




Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.385/a





Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.385/a



Early European Books. Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CMAAGL 2.0.385/a




2. 6. 385

2 N. 6




XXXIV  
SCHMID













DISPUTATIO THEOLOGICA  
SOLENNIS

DE

Partibus salutarem poenitentiam constitu-  
entibus, & in specie, de prioris ejus parte

CONTRITIONE

*Ex Psalmo. 51. v. 1.*

Iniquitatem meam ego cognosco, & pecca-  
tum meum contra me est semper,

QUAE

DEI AUSPICIIS

PRÆSIDE

JOHANNES SCHMIDIO,  
SS. TH. DOCTORE PROFESSORE SENIORE,  
THEOLOG. FACULTATIS h. t. DECANO,  
Rev. Conv. Eccles. Præsides, Cap. Thoman. Præposi-  
to, & Summi Templi Ecclesiaste,

Dn. Patrono, Præceptore, Promotore, pia  
observantia obsequiosè venerando

me

RESPONDENTE

Friderico Samuele Geroldto.  
Argentinsens.

*Habebitur die 26. Februarij.*

ARGENTORATI.

Ex Museo Chalcographico JACOBI THILONIS.


ANNO MDLXXVII.





VIRO  
SPECTATISSIMO AM.  
PLISSIMO QVE  
DOMINO  
FRANCISCO CHRISTO-  
PHORO CAROLI,  
INCLYTI ORDINIS  
DOMINORUM  
QUINDECIMVIRO-  
RUM  
SECRETARIO  
Longo varioque rerum usu  
EXCULTISSIMO,  
PATRONO  
A multis jam annis  
MAGNO.

Seſusque ſtudia  
devota humilitate  
commendat  
hac Solemni Diſputatione  
*Fridericus Samuel Geroldt.*  
Argent.



227. 647.

## DISPUTATIO SOLENNIS

De partibus salutarem poenitentiam consti-  
tuentibus, & in specie

De

Contritione,

quæ prior poenitentiae pars est,

Ad locum

*Psalmi 51. v. 5.*

Iniquitatem meam ego cognosco, &  
peccatum meum contra me est semper.

§. I.

**A**pidæi cordis ablationem inter maxima beneficia sua Jehova numerat Ezech. 11. 19. ex Ezech. 11. 19. ubi, cum populo Judaico, & imprimis ejus Principibus & Optimatibus, (qui post abductionem Regis Jechoniae Hierosolymæ manserant, & dudum Prophetæ Jeremiæ concionantes & oracula de instante excidio securè contemserant, neq. jam Ezechielis verbis, ex ore divino haustis, habebant fidem, nunquam fore secum persuasi, ut vel Hierosolyma in hostium Chaldaeorum potestatem veniat, vel ipsi inde ejeciantur: urbem enim esse leberam Deo consecratam, se verò carnes in eo, v. 3. ideoque futurum, ut Deus & urbem & incolas, contra potentissimorum hostium vim & impetus, sit conservaturus) gra-  
A villimas

Ubi cor-  
dis lapidei  
ablatio-  
nem Deus  
pollicetur.



villimas denunciasset penas, quod, qui plurimos in urbe occidissent, ejusq. vias & plateas cadaveribus intersectorum implevissent, adeoque verè urbem fecissent quendam quasi lebetem, carnibus, sed innocentum, quos aut impiis judiciis, aut vi iniqua peremissent, plenum, v. 6. & 7. ipsos educturus sit de medio urbis, permitturus, ut patria, domiciliis, possessionibus suis ab hostibus expellantur, quod gladium, quem metuant, super eos inducturus v. 8. daturus eos in manus hostium, & judicia in ipsis factururus v. 9. &c. cum etiam Pheltiam filium Banaia dubio procul principem deisorum, qui minas Prophetarum nihili estimandas, neque ipsorum admittenda consilia estimarant, repentina morte, non sine horrore adstantium, abripuisset, & ad formidabile hoc spectaculum ipse quoque Propheta exterritus esset, metuens, ne lebora reliquiarum Israël consummationem faceret v. 13. quin & inter Judaeos jam incaptivitate Babylonica exulantes haud pauci invenirentur, qui de promissa in patriam terram reductione dubitarent, subito ad jucundissimas progreditur consolationes, quibus omnibus iis, qui sponte cum Jechonia in exilium abierant, pollicetur, fore, ut Jehova suo tempore eos non tantum sit congregaturus de populis, in quibus nunc exulent, & adunaturus sive collecturus de terris, in quibus jam sint dispersi, & redditurus ipsis humum Israël v. 17. sed etiam Spiritus sui sancti gratia eos illuminaturus, ut abominandam idololatriam, cui pridem cum aliis dediti fuerant, & agnoscant, & detestentur, & omnino aboleant; adeoque novum spiritum, cor carneum daturus in visceribus eorum, cor verò lapideum de carne ipsorum ablaturus, v. 19.

Cor humanum pro vario statu varia fortitur nomina.

2. Cordis vocabulo in scriptura sacra omnes animae rationis facultates, vires & operationes, scilicet intellectum, voluntatem, iudicium, cogitationem, consultationem, electionem, affectus, conatus complecti, alibi, ex diversis Veteris & Novi Testamenti locis, ostensum est. Hoc pro varia conditione & statu varias sultinet appellationes. DEO enim gratiosè operanti se si submittat, fidele, integrum, parum, rectum, verum, mundum, verum, carneum dicitur. Contrà si eidem docenti, monenti, hortanti, minanti reluctetur, contumax, elatum, fraudulentum, malignum, perversum, scortans, durum, denique lapideum vocatur, ubi (quae Theodoreti verba sunt) nemo eorum, qui natura prudentes sunt, opina-



opinabitur lapideum cor lapidis esse, sed obediens reuolvens atq; in ex-  
 arabile, quodq; DEO nolit credere &c. Bernhard. lib. 1. de confi-  
 derat. ad Eugenium Pontificem pag. 254. locum Ezechielis de  
 corde lapideus adducens; ex semetipso querit: *Quid est cor durum*  
*( & lapideum ? )* subijcit: *Ipsam est, quod nec compunctione scin-*  
*ditur, nec pietate molitur, nec mouetur precibus, uniuersum non co-*  
*git, rigellus duratur, ingratum ad beneficia est, ad consilia infidum, ad*  
*iudicia ferum, inueteratum ad turpia, impavidum ad pericula, in-*  
*humannum ad humana, temerarium ad diuina, prateritorum o-*  
*bliviscens, presentium negligens, futura non providens: ipsum est,*  
*cui prateritorum, prater solas injurias, nihil omnino non praterit, pra-*  
*sentium nihil non perit, futurorum nulla, nisi forte ad ulciscendam*  
*prospectio seu preparatio est. Et ut breui cuncta horribili mali ma-*  
*la complectar, ipsum est, quod nec Deum timet, nec hominem reve-*  
*retur.* Optima pessimae rei descriptio: Tamen enim precipue  
 propter inueteratam cor peruersum dici videatur lapideum,  
 quod quemadmodum filices in alienam aliquam speciem informa-  
 ri non possunt, sic indurata mentes non flectantur ab eo, quod semel  
 arripuerunt, & ad formas alias seu disciplinas se praebeant indociles.  
 Vide Sancti in Ezech. cap. 11. p. 231. evidens tamen est tum ex  
 hisce Prophetarum, tum aliis scripturarum locis, ubi lapidei cordis sit  
 mentio, omnia modò à Bernhardo enumerata atque alia vitia  
 æquè eodem contineri. Sicut enim *cor carum* à Spiritu san-  
 cto ingeneratum, quoddam quasi domicilium est omnium vir-  
 tutum, quas regeneratio & renovatio complectitur: sic *cor la-*  
*pideum* omnium vitiorum foeda quædam atque abominanda in-  
 non renatis colluvies est. Polanus in Ezech. pag. 298. reddi-  
 turus rationem, cur Deus cor hominis lapideum & non ferreum ap-  
 pellar, inquit: quoniam etiam si ferrum durum sit, ut manibus fle-  
 cti non possit versariq; sicut cera, tamen habet quandam qualitatem,  
 licet exiguam ad molliem, nempe ut, si igni admoveatur, molle fieri  
 queat, & malleo in omnem formam flecti, quanquam remaneat fer-  
 rum. nec mutet naturam: at lapis nullam habet molliem, neq; ad  
 molliem aptitudinem, ut scilicet igne adjutus mollescere, adeoq; versa-  
 ri & flecti possit, permanens lapis. Sed egreditur comparationis  
 limites & cordi humano etiam passivam potentiam naturalem,  
 per quam Spiritus sancti conversionem operantis gratiam re-  
 cipere idoneum est, adimit. Lapis omni potentia passiva re-

Et sic etiā  
 propter ex-  
 tremam  
 contuma-  
 ciam lapi-  
 pideum  
 dicitur.



9  
cipiendi mollietatem natura destituitur : ac non ita cor huma-  
num, cujus mens lumen notitiæ DEI recipere, voluntas ad o-  
bedientiam legi divinæ debitam flecti, affectus, ut decentem  
moderationem teneant, regi possunt, quæ de re disp. de libero  
arbitrio actum. Aliàs æquipollentia sunt in sacris literis la-  
pideum, ferreum, arcum, quando de humani cordis malitia ser-  
mo est Esa: 48, 4. scio, inquit, quia durus es tu, & nervus ferreus  
cervix tua & frons tua area, ubi ferrea cervice & area fronte i-  
dem quod lapideo corde significari, per se manifestum est.

Quæ lapi-  
dea contu-  
macia est  
originalis.

3. Est autem cor hominis lapideum partim origine, & ex  
ipso in utero matris contracto vitio profundissimè infixio. Mol-  
lis & carneus erat per primam creationem homo ad imaginem  
DEI formatus, pronus & promptus ad legem sibi à Creatore  
suo, sive primùm inditam, sive postea præscriptam, plenè & per  
omnes partes observandam, quippe nulla interiori concupi-  
scentia in contrarium alleccebatur aut rapiebatur. Verùm quo  
momento libero suo arbitrio abusus, mendacissimis Satanz  
blandimentis locum dedit, & divinum mandatum violavit,  
petiit sanctissima mollietates, abominanda durities successit:  
quod carneum pridem cor fuerat, factum est lapideum, perversum,  
rebelle, contumax, hostili odio adversus DEum ejusque  
legem fremens. Atque id in omnes primi hominis naturales  
posteriores sine exceptione, sine graduum variatione, propaga-  
tum à mundi origine fuit, hodieque propagatur. Omnes enim,  
ut Augustana Confessio articulo secundo habet, nascuntur cum  
peccato, hoc est, sine metu Dei, sine fiducia erga Deum & cum con-  
cupiscentia &c: carent iustitia originali, illa naturæ perfectæ  
cum divina lege conformitate & concreata omnium animæ vi-  
rium rectitudine: corrupti contrà sunt prava concupiscentia  
& vitiosa qualitate, per quam DEum ipsum ejusque volunta-  
tem averfantur, ac ad perpetranda ea, quæ lex divina prohibet,  
trahuntur. Deinde cor hominis magis lapidescit, ut sic dicamus,  
ex actuali malitia cum originali duritiei non tantùm non resi-  
stitur, sed & ea peccatis contra conscientiam & elata manu, ut  
scriptura loquitur, commissis augetur. Ferrum naturâ durum  
crebro & frequenti ictu fit durius: sic cor humanum naturâ la-  
pideum, consuetudine peccandi, paulò post fit saxeum, ac tan-  
dem siliceum. Exemplo est Pharao, qui, quò sapius divina  
monita,

Et actualis



monita, minas, prodigia contemnit, hoc magis fuit induratus  
 Exod. 7, 13. & 22. cap. 8. 19. 9. 35. ubi juxta vulgatum, *cor ejus  
 nimis induratum* fuisse legitur. Exemplo etiam & maxime qui-  
 dem sunt Judei, quos cum Jehova non longè post educationem  
 ex Aegypto *populum dura cervitū vocavit*. Exod. 32. 9. ut hac in-  
 crepatione ad obediendi studium excitaret, cum postea sæpius  
 monuerit, *ne cervitem suam amplius indurent*. Deut. 10, 16. tan-  
 tum tamen absuit, ut molliores, inde facti sint, ut ipsa quodam-  
 modo monita ad majorem duritiem & perversitatem adhibue-  
 rint: qua de re graves passim, in historia sacra & prophetarum  
 oraculis, querelæ extant. Confer imprimis 2. Reg. 17, 13. &  
 seqq. Neh. 9, 16. & 29. Jer. 5, 3. ubi *supra petram facies suas eis  
 indurasse* Jehova per Prophetam ait: adde cap. 7, 26. cap. 17, 23.  
 cap. 19, 15. ut & emphatica verba Zach. 7, 11. & 12. *aggrava-  
 runt aures suas, ne audirent, & cor suum posuerunt ut adamar-  
 tent*: facti tandem sunt tam indurati, ut quemadmodum *Æthiops  
 pellem suam, aut Pardus varietates suas mutare nequit*, sic nec illi  
 potuerint *benefacere, cum malum didicerint*. Jer. 13, 23. De quo  
 loco tamen notandum, non absolutam impossibilitatem, sed  
 summam difficultatem eodem describi. *Æthiops & Pardus*  
 non sunt naturalia subiecta recipiendi alios colores ab illis, quos  
 per naturam habent: at hominis mens & voluntas, sive cor hu-  
 manum, est manetque naturale subiectum, patiens & recipi-  
 ens divinam operationem: adeoque spiritualiter carneam mol-  
 liem: quod pertinet, quæ sub finem præcedi, §. dicta.

4. Hoc lapideo corde cum nihil sit *miserum* (siquidem per ejus  
 duritiem homo omnia beneficia spiritualia, adeoque ipsam a-  
 nimæ salutem à Spiritu sancto in verbo oblatam, quasi vi quadam  
 à se repellit, & semetipsum indignum æternæ vitæ judicat. Act. 13,  
 46.) danda omnibus, qui tale secum in carne circum ferunt, o-  
 pera, ut inde maturè divina gratia eximatur & auferatur. Di-  
 vina dicimus gratia. Non enim homo propriis viribus cor su-  
 um, si lapideum factum sit, in carneum transformare potest.  
 Hoc quidem facile protoplastis fuit cū carneis à Cōditore Deo  
 auditibus creati essent, ea in lapidea convertere, antiqui serpen-  
 tis mentis facis ac seductionibus aures præbere, violare divinum  
 mandatum, & hoc pacto exuta DEI imagine & originali justi-  
 tia, menti caliginem & tenebras infere, voluntatem & reli-

Coniuncta  
 cum incre-  
 dibili mi-  
 seria.

Quam ea  
 semetipsum  
 auferre ne-  
 mo homi-  
 num suis  
 viribus po-  
 test.

reliquas animæ vires non tantum à divinæ legis amore & custodia alienas reddere, sed & hostile adversus DEum odium in ijs accendere, perversitate & contumacia indurare; at, cum jam corda lapidea facta essent, eadem eximere, abjicere & priusina carnea revocare atque assumere, in ipsorum arbitrio & potestate nequaquam fuit, neque hodie in posterorum viribus situm est. Eodem modo facile Pharaoni & Judæis olim fuit, corda sua, jam antè ex originali perversitate lapidea, aquali malitia amplius indurare: sed duritiem jam contrariam animis deponere, & cor ad obedientiæ promptitudinem emollire, extra natura fuit potestatem: quæ etiam hodie omnium eorum, qui, ad Pharaonis & Judæorum exemplum, connatam cordium perversitatem quotidianis peccatis augent & cumulant, est ratio. Divina itaque gratia & solius quidem opus est, manetque *cor lapideum ex carne auferre*, dare carneum, duram emollire mentem, ferreum cervicis nervum flectere; ad quod exequendum DEUS, præter alia, præviam CONTRITIONEM; priorem poenitentiae partem, adhibet, qua per legem suam, veluti malleum quendam petras confringentem, ut securi atque obdurata hominum pectora, peccatorum suorum iræ divinæ, & promeritarum poenarum agnitione, paulatim mollescant, aliquo modo efficit. *Divinae gratia* opus hoc contritionis sano sensu vocamus. Tametsi enim non Evangelio, quod gratiæ nuncium est, sed lege, quæ iram operatur, mediante peragatur: quia tamen, ex intentione Dei, finem non habet, ut homo peccator ad desperationem inde adducatur & interitum, sed ut in eo desiderium gratiæ, auxilii, solatii, remissionis peccatorum, iræ poenarumque aversionis excitetur, hinc à divina gratia proficisci rectè dicitur. Utere, secare, vomerem aperite, aliaque id genus, quæ dolorem pariunt, perficere, ut agro recuperandæ sanitatis via quodammodo paretur, fidelis medici est: ita lapidea & dura percutere & contere corda, ut gratiæ divinæ capacia fiant, DEI benigni est ac clementis.

Soli enim  
DEI hoc  
opus est.

Applicatio

§. Hoc divinum *poenitentiale Contritionis* opus animus jam est, nonnullis de genuina poenitentiae partitione præmissis, sacro *μετάνοια*, ex Prophetarum & Apostolorum monumentis, breviter repetere, & piorum de eo colloquiorum instituentium



endorum præbere occasionem, ut sana doctrina partim ampli-  
us illustretur & stabilietur, partim à variis corruptelis & hete-  
rodoxis opinionibus vindicetur. Quia enim superioribus  
mensibus articulum de Pœnitentia in genere, ordinaria dispu-  
tatione, proposuimus, & de ejus nomine, causis, objecto, sub-  
jecto, adjunctis &c. egimus, ipse nos ordo & materia ratio  
obstringit, ut nunc ad specialem singularem pœnitentiæ par-  
tiam, quarum prior Conititio est, meditationem progredia-  
mur.

6. Placet autem è variis utriusque Testamenti locis, quæ Tertius  
hujus de pœnitentia conversionis sedem præbent, Psalmi scilicet ver-  
s. in frontispicio adscripti (ut consuetudini nostræ inhærea-  
mus) *hæc sequitur* methodicæ tractationi præmittere, qui in he-  
bræo ita habet: *וְשָׁעִי אֲנִי אֲדַע וְהַסֵּאֲרִי בְּגִדֵי חֹסֶד* juxta  
Chilidarum: *אֲרָא מַעֲשֵׂי קִדְמוֹתַי גָּלוּ וְהָיוּ לְעֵבֶר לִי הַיּוֹרָא*  
quoniam scelera mea manifesta sunt, & peccatum in conspe-  
ctu meo semper. Juxta septuaginta: *Τὴν ἀνομίαν μου ἐγὼ γινώσκω,*  
*καὶ ἡ ἀμαρτία μου ἐνώπιόν μου διαφανέσκει.* Juxta vulgatum: *Iniquitatem*  
*meam ego cognosco, & peccatum meum contra me est semper.* Apud  
Tremellium & Junium: *Defectiones meas ego agnosco, &*  
*peccatum meum obversatur mihi jugiter.* Apud Lutherum Ger-  
man. *Ich erkenne meine Missethat vnd meine Sünde ist immer*  
*für mir.* Apud Piscatorem: *Ich erkenne meine Verirrungen*  
*vnd meine Sünde ist stets für mir.* Apud Dieterberg. *Ich er-*  
*kenne meine Verirrung vnd meine Sünde ist immer wieder*  
*mich.*

7. Psalmum quinquagesimum primum, qui inter pœni-  
tentialis quartus quidem est, sed, si dignitatem & doctrina-  
rum, quas continet, ubertatem spectemus, facile primus &  
præcipuus, variis hinc à Veteribus elogiis insigniens. Chryso-  
stomus in expositione *ἐπερμή* hujus Psalmi fol. 692. tom. 1.  
edit. Savil. eum *imaginem* vocat: *τὸς γὰρ ψαλμὸς εἰκόνα καὶ ὁ,* in-  
quit, & mox, rationem appellationis reddens, subjicit: *ὅτι ἐπερμὴ*  
*ἡ ἀμαρτία ἐστὶν ὡς τὸ ψαλμὸς ἀμαρτίαν ἐπιτίθει καὶ τοῦτο μὲν, καὶ τὸ*  
*καὶ συμμάρτυσαν θεῷ, αἰκλῶν ὁπότε ἀποδοῦναι λέμψαντες,*  
*αἰκλῶν ὁπότε ἀποδοῦναι λέμψαντες, αἰκλῶν ὁπότε ἀποδοῦναι λέμψαντες,*  
*ταῦτα τὰ πρὸς τὸν θεόν.* Hortatur etiam ibidem, ut, mis-  
Psalmus  
quinga-  
gesimus  
primus in-  
ter pœni-  
tentialis præ-  
cipuus,

his aliis imaginibus, ē quibus vel nihil, vel parū commodi in  
 nos redundat, hanc maximē imaginem assidue cōtemplemur:  
 εἶπε, αἰτ, ἐκείναι τὰς εἰκόνας, καὶ βλέπε τίς τις τὴν ζωειάν. De seipso  
 scribit: Τί μοι ὄφελος βασιλείας καὶ ὑπάτης εἰκόνας Ἰσὼν; ἐὰν ἴδω ἀ-  
 μαρτωλὴν καταπεσόντα καὶ πάλιν ἀναστάντα, ἢ ζωεία διδυσκαλίας  
 ὑπὸ δυνάμει μοι γίνεταί. Ἐὰν ἴδω δίκαιον ἔσθον, ἢ ζωεία πρὸς φιλοσο-  
 φίαν χειρουργήματα. Ἀπὸ τῆς ζωείας μαρτυρίας τὴν μάχην, καὶ παιδευ-  
 σμὸν τὴν εἰκόνα. Ἐὰν ἴδω δίκαιον ὑποκαλιζόμενον, πάλιν σοφώτερος  
 ὑπὸ τῆς ζωείας γίνεταί &c. Cyrillus Hierosolymitanus catech. 2.  
 qua de peccato, pœnitentia & remissione peccatorum agit, eo-  
 dem ferē modo loquitur. Ad Davidem enim ejusque pœni-  
 tentiam ubi provehitur, inquit: Ἐλθὲ ἐπὶ τὸν Δαβὶδ τὸν μακά-  
 ριον, καὶ τύπον λάβε τῆς μετάνοιας. Alii eundem praelarum ap-  
 pellant penitentia theatrum omnibus ad DEUM converti atq; à pec-  
 catis, sive humana fragilitate, sive malitia commissū, respiciere vo-  
 lentibus, propositum & constitutum. Alii respicientia scholam  
 omnibus apertam, in qua discatur, quæ sit omnis mali scaturigo  
 scilicet primorum parentum peccatum ad nos per carnalem nativi-  
 tatem propagatum & in prima conceptione nostra nobis infusum,  
 deinde qui hujus mali horribiles effectus, scilicet omnia peccata actu-  
 alia contra utramq; tabulam Decalogi commissa, porro quod reme-  
 dium tanta miserie, nimirum DEI misericordia: qua via & ratio  
 hujus consequenda, scilicet seria penitentia, qua penitentia conse-  
 quentia, qui fructus &c. Sunt, qui cum templo Salomonis hunc  
 psalmum conferunt, in eoque ostendunt altare, candelabrum  
 aureum, variis lucernis instructum, arcam, labrum aeneum, sacrifici-  
 a &c. Sunt, qui maximo alicui campo, in quo acerrimum com-  
 mittitur praelium, itemq; tabula artificiosissimè picta, in qua varia  
 variarum personarum negotia representantur, similem faciunt.  
 Beatus noster Lutherus in præfat. enarrat: hujus psalmi tom. 4.  
 lat. Jen. fol. 371. 6. Hic psalmus, ait, inter omnes penitentia psal-  
 mos est celeberrimus, cujus, cognitio multis modis est necessaria &  
 utilis; continet enim doctrinam de præcipuis nostre religionis capituli-  
 bus &c. Brentius hæc omnia secum expendens pag. 606. cum  
 nostri, inquit, officij sit, omnes Psalmos in numerato habere, hic  
 Psalmus debet nobis præ multis aliis esse familiarior, adeoq; nostris i-  
 psorum nominibus notior &c.

Qui quidē  
 varios fidei  
 articulos  
 continet.

8. Omnia rectissimē. Si enim & psalmi in præfat. & psal-  
 mum



mum ipsum & singulos ejus versiculos, & singulorum versicu-  
 lorum verba pie religioseque meditemur, ubique vel manife-  
 sta ac perspicua variorum fidei articulorum fundamenta, vel  
 velligia non omnino obscura deprehendimus. *Ministerium*  
*Ecclesiasticum* ejusque efficaciam confirmatur in titulo, quan-  
 do David non per visionem aliquam aut occulto mo-  
 do, sed per concionem Prophetæ Nathanis vocatur & excita-  
 tur ad penitentiam. De DEO ejus 3. speciali attributo misericor-  
 dia, ut & de vera filius DEI invocatione v. 3. de lege v. 5. de pecca-  
 to actuali v. 6. de originali v. 7. De Evangelio, quo continetur  
 veritas & occulta DEI sapientia, cujus summa est, ut Lutherus  
 inquit p. 390. b. quod DEUS peccatores, agnoscens suam miseriam  
 & confidens misericordia, non velit abicere pro merito, sed ex gra-  
 tia salvare v. 8. De peccatorum expiatione, Christi sanguine facta,  
 adeoque de vera justificatione hominis peccatoris coram DEO, sub  
 typo hyssopi v. 9. De pace & gaudio conscientia ex concione Evan-  
 gelii natis v. 10. De renovatione & sanctificatione v. 12. De fidei  
 & Spiritus sancti per atrociam peccata amissione v. 13. De bonorum  
 operum studio v. 15. 16. 17. De sacrificiis spiritualibus DEO placentibus  
 v. 18. 19. 21. De Ecclesia ejusque conservatione & propagatione v.  
 20. Eminet tamen doctrina sive articulus de penitentia, cujus su-  
 gala partes hoc psalmo, ceu in illustri pictura spectanda proponun-  
 tur, quæ Lutheri verba sunt. pag. 372. a.

9. Prior Contritio, tamen aliquot versiculis describitur &  
 per totum fere psalmum sparsa legatur: quinto tamen, qui no-  
 stræ jam meditationis est, præcipue ob oculos ponitur, in quo  
 ordine consideranda 1. David. 2. Davidis peccatum. 3. Peccati  
 agnitio. 4. Agnitiois perpetuitas sive perseverans continua-  
 tio.

10. Davidis, (juxta Latinos dilecti) divina inspiratione, men-  
 tionem primum facit Propheta Samuel. lib. 1. cap. 13. 14. non  
 quidem vel familia, vel nominis expressione, quæ nondum i-  
 psi revelata erant, sed singulari raroque elogio, quando eum  
 vocat Virum, quæsitum à Jehova, secundum cor ipsius. Davidem  
 enim eodem notari, nemo est, qui dubitat. Saulem ex tribu  
 Benjamin pridem suo modo quæsierat Jehova & invenerat ad  
 cor suum, sed tantum aliquandiu, non constanter. Quia enim

Inprimis  
 tamen ex-  
 actè tradit  
 doctrinam  
 de peni-  
 tentia.  
 Cujus pri-  
 or pars est  
 Contritio  
 comprehen-  
 sa versu  
 quinto, in  
 quo spe-  
 ctanda.  
 1.  
 David,

B

secun-

Vir secundum cor  
DEI.

Aliquan-  
do quidē  
lapsus.

*secundum cor Jehovae* est, qui ab ipso immediate vocatus, juxta voluntatem ejus res suas instituit, gerit morem, pietatem sectatur, varia virtutum edit specimina, certē quamdiu Saul talis fuit. Deum vocantem coluit, bella ad nutum ejus & ex occulto instinctu gessit, Samueli Prophetae obtemperavit, speciatim insigni animi demissione praeditus fuit, nec verbis tantum sed etiam factis ipsis eam ostendit, regis honoribus se indignum aestimavit, eosque fugit, adeoque parvulus in oculis suis fuit, ipso Samuele teste, lib. 1. cap. 15. 17. prudentia, clementia fulsit. Sam. 10, 27. 11, 13. quis neget, eum fuisse virum ad cor DEI? David autem finaliter hoc elogio se dignum exhibuit, & omnes DEI voluntates fecit Act. 14, 22. Quae quidem verba, sunt, qui non de voluntate simpliciter omni accipiunt, non de voluntate, qua fide, agnitione DEI ejusque amore & cultu piis omnibus communi expleta est, sed tantum de ea, quae ad regni bellorumque administrationem pertinet: Verū non admittit hanc restrictionem, live ipsa phrasis, live Davidicae vitae curriculum, live inter ipsum & Saulem instituta oppositio. Esse ad cor DEI non tantum est administrantibus donis in publico officio rite uti, sed etiam vitam omnem ac mores ad nutum divinum componere, atque inde DEO singulariter gratum esse & acceptum. Autor homiliae de David & Goliath. apud Chrysost. tom. 1. pag. 635. statim sub initium, ad verba Jehovae, iuravi mihi virum secundum cor meum, o beatum, inquit, David, qui, quicquid DEus cogitat, gerit, quicquid mente concipit, perficit: cordi DEI cor proprium jungit, & menti ejus mentem suam annexit, ita ut, quae vult DEus velit, & quae non vult, similiter nolit atque sic eum Dominus individuo amore & conjuncta charitate dilexit. Hoc est ad cor DEI esse, quo instatu, ut omnem vitam perageret David à pueritia ad finem usque vitae maximopere contendit. Sanè factum semel iterumque, ut in laudatissimo cursu non tantum inpingeret, sed etiam graviter laberetur: quo tempore ipsum secundum cor DEI fuisse nemo dixerit: at quia non multo post rediit in viam, & quod contra cor DEI commiserat, secundum cor DEI maturè correxit: agnovit peccata, de iis doluit, voluntati divinae ad quamvis castigationem, adeoque ad regni ablationem ac perpetuum exilium se subjecit, extremas injurias,



rias, convitia patienter tulit, & quod reliquum vite fuit, piè,  
 sanctè, religiosè transegit, hinc eum virum secundum cor DEI  
 fuisse & manifestè, rectè dicitur: maculam vite ejus curriculum  
 habuit, sed quæ per feriam & maturam poenitentiam est ex-  
 terita: quemadmodum & Jobus suos in gravissimis calamitati-  
 bus habuit naevos, eosque non leves, nec tamen patientis no-  
 men laudemque amisit, sed in Novo Testamento Jac. 5, 11. &  
 inde usque hunc diem retinuit. Atque etiam spectat, quod  
 Spiritus Sanctus cum 1. Reg. 15, 4. & 5. in commemoratione  
 pietatis & laudum Davidis mentionem quidem peccati ejus  
 facit, nihilominus testimonium ei perhibet, quod fecerit, quic,  
 quid vellet in oculis Domini, & non declinavit ab omnibus, quæ  
 præceperat Dominus, cunctis diebus vite sue, nimirum non ad u-  
 num vel alterum delinquere, sed ad perpetuæ vite tenorem re-  
 spectit. Augustinus libro de octo quaestionibus Delcitiis quæst.  
 5. tom. 4. pag. 673. Cum præficeret, ait, Deus, Davidem peccatu-  
 rum, & peccata sua pia humilitate & sincera poenitentia deleru-  
 rum, cur non diceret: inveni David secundum cor meum: cui non e-  
 rat imputaturus peccatum, tam multa bona facienti & cum tanta  
 pietate viventi, & ipsa pietate pro peccatis suis sacrificium contritæ  
 Spiritus offerrenti? Propter hæc verumta verissime dictum est: inveni  
 David secundum cor meum, quia licet secundum cor DEI non esset,  
 quod ille peccavit, tamen secundum cor DEI fuit, quod pro peccatis suis  
 congrua poenitentia satisfecit. Hoc saltem ergo in illo secundum cor Dei  
 non fuit quod illi Deus non imputavit: hoc itaq; ablato, id est, non  
 imputato, quid remansit, nisi unde verissime diceretur: inveni Da-  
 vid secundum cor meum. Denique quemadmodum Saul, cui  
 opponitur David, non tantum in regio munere, sed ex quo à  
 DEO defecit, omnibus ferè actionibus contrarius DEI fuit, am-  
 bitione imprimis & invidia flagrans, inde factus crudelissi-  
 mus, perfidus, ut & superbus, avarus, insignis hypocrita &c.  
 confer ejus historiam 1. Sam. 13. & seqq. sic quoque David  
 non tantum propter prudentem religiosamque regni gover-  
 nationem, sed etiam propter alia vite officia & actiones, quas  
 ad legis divinæ normam instituit, secundum cor DEI fuisse exi-  
 stimandus est.

11. Non est loci aut instituti hujus, per omnes Davidia ire &

B.

Sed alia  
 avilima pu-  
 tates,

eritia piuri- tates, & quantis virtutum ornamentis domi in paternis adi-  
 cimis vir- bus pueritiam & juventutem, quantis postea foris adultiorem  
 tuub' pra- & virilem ætatem, quantis ultimam senectutem condecoravit,  
 stans. percensere. Seriam pietatem & timorem Numinis hanc suca-  
 tum omni tempore ab ipsis incunabulis ducem habuit: inde  
 manavit singularis erga parentes reverentia, ad quorum nu-  
 tum quosvis labores domesticos promptè subjicit, alacriter expe-  
 dit, inde erga fratres amor & tuendæ concordie conatus, inde  
 in aula regia erga Saulem fides ad negotia omnia, quantumvis  
 cum extremo vitæ periculo conjuncta, alacriter conficienda:  
 inde porro magna & admirabilis patientia, qua casus adver-  
 sos, metu in primis Saulis, jurati hostis sui, fere decennium, for-  
 tissimè tulit, inde inaudita & stupenda erga hostem mansuetu-  
 do, inde, cum superatis periculis, regni adeptus esset admini-  
 strationem erga Deum gratitudo, religionis tempore Saulis  
 collapsæ instauratio & confirmatio, justitiæ inter subditos tu-  
 endæ studium, inde postmodum, cum filii Absolonis seditione  
 regno pelleretur, prorsus incomparabilis voluntatis in divi-  
 nam voluntatem deditio, & quadam quasi immersio, qua se ad  
 perpetuum exilium &, quas hoc suo complexu continet, o-  
 mnes calamitates exantlandas obtulit, inde virtutes aliæ plu-  
 res, ac tandem earundem laudatissima obsignatio, qua mori-  
 turus Salomonem filium regniq; optimatcs gravissimo sanctis-  
 simoque sermone ad timorem DEI, ad sincerum cultum divi-  
 num, ejusque conservationem & propagationem cohortatus  
 fuit. Factum hinc, ut insequentibus temporibus Spiritus san-  
 ctus in Regibus Judæ sive laudandis, sive reprehendendis, Da-  
 vidis exemplo, veluti regula quadam usus sit, atque eum *rectum*  
*justumq;* prædicarit, qui eidem extitit similis, contra impium &  
 perversum, qui non ejus more ambulavit. De Asa 1. Reg. 15,  
 11. ait: *fecit in conspectu Domini rectum, sicut David pater ejus:*  
 eodem modo de Hiskia 2. Reg. 18, 3. Contra de Salomone 1.  
 Reg. 11, 4. *non fuit cor ejus perfectum cum Domino DEO suo, sicut*  
*cor Davidis patris ejus:* Sic quoque de Abia cap. 15, 3. confer a-  
 pud Chrysost. homil. de Davide & Saule, itemque alteram de  
 Davide & Goliatho, tom 1. pag. 604. & seqq. *ubi David illu-*  
*stris in celo, illustris in terra dicitur, qui animi moderatione ad Ev-*  
*ange-*



angelicæ Philosophiæ fastigium pervenerit, qui milles martyrum ca-  
ronam meruerit, qui homo in natura humana vitam præstiterit  
angelicam &c. Disputant in Papatu Scholastici, cum hanc de  
sanctitate Davidis materiam tractant, pro more otiose & curi-  
osè, an David æque sanctus atq; Patriarcha Abraham, Isaac & Ia-  
cob fuerit, an sanctior? Qui sanctitate Patriarchis parem fuisse  
sentiunt, nituntur autoritate 2. Sam. 7, 9. ubi Jehova ad Davi-  
dem, feci, inquit, tibi nomen grande, juxta, nomen magnorum, qui  
sunt in terra, magnorum nomine tres Patriarchas modo no-  
minatos intelligentes. Qui sanctiorem & speciatim quidem  
Abrahamo extitisse volunt, varia colligunt: ajunt, fuisse exce-  
lentiorem Prophetam, plura illi divinitus significata; fuisse insuper  
chariorem & amiciorem DEO, amplioribus beneficiis ab eo ornatum,  
longius etiam propagasse & amplificasse divinum cultum &c. Qui  
vult videat Tostat. in cap. 22. Matth. Salmeron. tom. 3. tract.  
26. Pined. de rebus Salomonis lib. 1. cap. 2. pag. 10. Sebastia-  
nus Barradius tom. 1. cap. 15. pag. 204. occasione verborum  
2. Reg. 23. 25. Non fuit similis Iosia ante eum Rex &c. disputat,  
annon David omnibus regibus virtute major fuerit? Affirmat, ad-  
ducto testimonio ex Syrac. 47. 2. sicut adeps separatus à carne,  
sic David à filiis Israël &c. Subnequit: quemadmodum adeps à car-  
ne separatus præstantior ipsa carne hostia erat & sanctior, quia Deo  
in altari incendebatur: caro verò partim sacerdotibus, partim offe-  
rentibus cedebat: Ita David ceteris Israëlitis erat præstantior & san-  
ctitate illustrior. Pluribus hanc similitudinem persequitur Pi-  
ned. cit. loco, sed talibus quæ scriptione indigna videntur.

12. Quamvis verò præ infinitis aliis pietate & sanctimo-  
nia insignis, pro ratione fragilitatis & infirmitatis vitæ hujus, David  
fuerit, in gravia tamen & atrocia lapsus est peccata, de qui-  
bus in textu nostro loquitur; lapsus, Diaboli instinctu & sug-  
gestionem, proptioq; vitio, securitate, curiositate, otio, non verò  
ex vi & efficacia arcana voluntatis seu decreti divini, quod ipso ope-  
re docent, qui non sine horrenda blasphemia scribunt: DEUM  
velle, decernere, procurare hominum peccata, eorumq; opera insana,  
falta crudelia: velle atque efficere ut impij in concupiscentiis vi-  
vant: qualia diximus corrupta olim, ut pluribus alijs, ita  
Johanni Piscatori valde fuerunt familiaria, ut ex varijs ejus

Davidia  
Peccatum.

scriptis, præcipue iis, quæ contra Schaffmanum, Bertium, Doct.  
 Tinslerum, Vorstium edidit, liquet: in quibus disertè *DEU*  
 inquit, *enim opera hominum omnia procurat* (quippe per quem vi-  
 vimus & movemur Act. 17.) *procurat utiq. etiam opera illorum stulti*  
 & *crudelia & insana &c.* confer Act. Synodal. Remonstrant.  
 part. ult. syllabum testimoniorum, quibus Contra Remonstran-  
 tium sententia de gratiæ operatione exhibetur pag. 48. & seqq.  
 Nihil hujusmodi historia sacra innuit vel minimo indicio, cu-  
 jus divinus ac immediatè illuminatus scriptor, cui omnino  
 mentem suam aperuit Spiritus sanctus, posteaquam atrocita  
 Davidis peccata per omnes circumstantias recensuit, caput 11.  
 tali claudit epiphonemate. *Displicuit id, quod fecerat David,*  
*in oculis Iehoyæ.* Displicuit, ergo non procuravit, ubi in distin-  
 ctione inter voluntatem signi & beneplaciti estogium quærere vel-  
 le, intolerabile est. Nam non admittit phrasis, *in oculis DEI*,  
 quæ alteri *in corde DEI* per omnia respondet. confer. Gen. 6, 6.  
 8, 21. Jer. 7, 30. 31. 19, 5. 32. 5. unde *oculi & cor* conjunguntur  
 1. Reg. 9, 3. 2. Chron. 7. 16. Jam quemadmodum quod *in cor-*  
*de Deo displicet, ipsi per omnia displicet* atque in primis interiori &  
 essentiali justitiæ adversatur, quæ suo modo ipsum ejus cor est:  
 sic quoque quod *in oculis videm displicet, absolutè atq. omnibus mo-*  
*dis displicere credendum est*, ut proinde ab eo procurati nulla  
 ratione queat. Omittimus, quæ contra monstrosam o-  
 pinionem seq. 12. cap. 2. Sam. ex missione divina Nathanis  
 Prophetæ ad Davidem, ex ejus concione & comminatione, ex  
 Davidis pœnitentia &c. argumenta numero plurima, robore  
 invicta sua sponte se offerunt, unde etiam Petrus Martyr com-  
 mentar. in 2. Sam. 11. pag. 236. b. ad verba: *Displicuit Iehoyæ,*  
*significanter, ait, habemus, factum Davidis displicuisse Domino, &*  
*Piscator ipse in observat. 8. ad dictum caput: Deus peccatis cle-*  
*torum offenditur:* quod uti verissimum est, ita falsissimum esse  
 necesse est, DEUM ea occultè procurarre. Sed de his alibi ube-  
 rius.

Quod du-  
 obus no-  
 minibus  
 describitur  
*יָדָא*

13. Ceterùm duo distincta textus noster Davidici peccati  
 nomina habet. Prius est *יָדָא* à *יָדָא* *desecit rebellavit, pra-*  
*varicatus est.* Veteres hæbreorum æquipollere ajunt verba  
*יָדָא* quod est *exire à voluntate, vel potestate, vel præcepto Domini*  
*ex su-*



*ex superbia.* Confer Pagnin. Lexic. pag. 2259. sed ex locorum  
 scripturae collatione liquet, longè patere latius, & generaliter  
 etiam *significari legem quocumque modo transgredi, pactum vel præ-*  
*ceptum violare.* Unde *פָּשָׁע* defectio, rebellio pravaricatio. Chal-  
 deus per vocabulum *ܩܪܝܢܐ* quod propriè rebellio grande scē-  
 lus notat. transtulit, de quo plura apud Buxtorf. Lexic. Chald.  
 Talmud. pag. 1271. Graeci generalissimum nomen hic habent  
*ἀμαρτία*, qui alibi per *παράβασις*, *ἁμαρτία*, *ἁμαρτία*, reddiderunt;  
 quos etiam Latini vulgatus secutus est, qui, cum hoc loco vo-  
 cem *iniquitas* usurperet, alibi per alia scilicet *delictum*, *iniustitia*,  
*scelus*, *ignorantia*, *impietas* transfert. Posterius est *חַטָּאת* *אֲשֶׁר* *חַטָּאת*  
 verbo generali quod significat *errare* quocumque modo *deviare*,  
*desistere*: exat. Jud. 20, 16. ubi septingentorum funditorum  
 fit mentio, quorum tanta fuit petita, ut quisq. illorum funda-  
 mentum lapidem ad capillum sine erratione mitteret: quæ verba sa-  
 cram habent hyperbolem, quæ summa jaculatorum describitur  
 experientia, per quam rem quantumvis parvam tenuemque at-  
 tingerent, nec aberrarent, quæ cum nonnulli conferunt. Job.  
 31, 24. *visitabis speciem tuam* (juxta hebraic. habitaculum tuum)  
 & non peritabis, id est, non aberrabis, sed facillè invenes, unde  
 quidam *חַטָּאת* dici arbitrantur quasi *חַטָּאת* *אֲשֶׁר* *חַטָּאת* à *שֵׁל* vel li-  
 ora & perpendiculari declinatio & deservit. Specialiter tamen &  
 creberrimè quidem in scriptura sacra significat *aberrare à lege*  
*divina*, contra eam peccare & delinquere, unde nomina *חַטָּאת*  
*peccator*, transgressor legis, & *חַטָּאת* *peccatum* in genere omne,  
 sive majus, sive minus, sive erratum, sive scelus, sive exiniqui-  
 tate, sive contra conscientiam committatur: aliquando tamen  
 etiam *peccati penam* denotat, itemque expiationem & prae-  
 tiam sive sacrificium expiationis. Graeci ut hic loci, sic & alibi  
 frequentissimè reddiderunt per *ἀμαρτία* ab *ἀμαρτάνω*, quod i-  
 plam quonque verbum idem est, quod apud Latinos à scopo ab-  
 errare, in negotio aliquo & actione. confer. loc. cit. Jud. 20,  
 16. ubi periti jaculatores dicuntur *ἀμαρτάνοντες*: deinde ve-  
 rò ad legis divinæ violationem & transgressionem exprimen-  
 dam adhibetur. Vulgata versio nomen *peccati* habet de cujus  
 varia apud varias Etymologia antehac disp. de peccato in ge-  
 nere 3. 11. egimus, confer Martin. Lexic. pag. 2763.

14. Duo hæc nōmina cum alijs, uti dictum, generalis sint  
 Et nequa. significatiōis, & quamcunque transgressionem legis divinæ  
 quam leve denotent, quo sensu hoc loco accipienda, ex ipsis historiæ &  
 & excusa- totius Psalmi circumstantiis est conspicuum. Non certè le-  
 bile vus aliquod ex infirmitate aut ignorantia perpetratum pecca-  
 tum, sed atrox & grande flagitium, neque unum tantum, sed  
 multorum *transgressionum* & concussum designant. Rabiñ quidam,  
 notante Nicolao de Lyra & Dionysio Carthusiano, Davidis a-  
 delterium excusare moliti sunt, & tradiderunt, *Bathsabæam ab*  
*Vria, cum militia nomen daret & in bellum, Archistratego Ioabo,*  
*ad expugnationem Rabba proficisceretur, repudiū libellum usitato*  
*militum more, accepisse:* sed audacissimū & intolabile hoc fig-  
 mentum esse, plurima ex historiæ consideratione emergentia  
 argumenta clarum faciunt. Confer Alphons. Tostat. in 2. Re-  
 gum (Samuelis) cap. 11. quæst. 8. pag. 106. copiosius pro mo-  
 re de hac Judæorum fabula disputantem. Non desunt, qui, si  
 non per omnia, ex parte tamen aliqua, aut saltem ad apparen-  
 tiam adulterium Davidis posse excusari sentiunt. Ajunt, adul-  
 terium uno duntaxat actu, adeoq; non ex inveterato habitu, itemq;  
 non ex deliberatione pravia, sed *de repente & ex improviso* Davidem  
 commisisse, quod ex historiæ verbis, accidit, ut surgeret David &c.  
 constare arbitrantur. Insuper, peccato perpetrato, adulteram su-  
 bito in domum suam remisisse, ut legalem purificationem de more  
 Iudaico obiret, unde recte colligatur, eum unā tantum vice, mari-  
 to supersite, cum ipsa peccasse: quæ omnia aliquatenus saltem & à  
 nimia atrocitate ac gravitate adulterij peccatum excusent. confer  
 Julii Mazzarini super Psalm. 51. discursum septimum lit. E. &  
 seqq. pag. 50: ex quo desumit, quæ sua fecit, Fornerus in Rege  
 Hebræensi & explicatione Psalmi 51. conc. 1. pag. 7. Verum si  
 per omnes eamus flagitiorum circumstantias, tanta eorum ob-  
 oculos sese ponit atrocitas, ut satis verbis exprimi nequeat. A-  
 delterium quantum in se scelus? quanta severitate in sacris li-  
 teris & Decalogo prohibitum? quod malorum radix est? quàm  
 graviter omnibus seculis à Deo punitum? quanto hinc studio  
 à pijs bonisque omnibus evitatum? Eodem modo homicidii,  
 cujus primus patrator, Christi Salvatoris pronunciato, Diabo-  
 lus est, quis immanitatem unquam satis sermone exposuit?  
 quo

Sed longè  
 gravissimū  
 atq; atro-  
 cissimum.



quo leges naturales, divinæ, civiles, evertuntur? Atque hæc scelera cum in se sint abominanda, à quo tandemcunque peragantur: magis tamen horrenda & detestanda fiunt, si à Rege admittantur. & tali quidem, qui, præ infinitis aliis, divinæ sapientiæ lumine & rerum sacrarum scientia sit præditus. Nota est Satyrici sententia:

*Omne animi vitium tantò conspectius in se  
Crimen habet, quantò major, qui peccat habetur.*

Neque verò adulterij tantum & homicidij reus David fuit, sed aliorum criminum plurium, quæ illa partim antegressa, partim secuta sunt, turpis otii, curiositatis, perfidiæ, cædis plurimorum subditorum, securitatis, atque ipsius indurationis, ex qua diu satis gravissima flagitia nec agnovit, nec de pœnitentia cogitavit. Accessit horrendum scandalum quod toti dedit populo, ac blasphemare etiam fecit inimicos nomen Domini. 2. Sam. 12, 14. ad quæ verba Salvian. lib. 4. de gubern. pag. 153. *Qui blasphemare alios peccans fecerit, necesse est peccatum huius supra criminis humani esse mensuram, quia per convitia plurimorum inestimabilem DEO facit injuriam.* Lutherus noster in præfat. enarrat. Psalm. 51. tom. 4. lat. pag. 372: *In Davidis, ait, facto plura, quam unum cum Bathseba peccatum videntur: adjicit enim adulterio pessimum consilium de occidendo Uria, adornat ipsam cædē Uris & simul aliorum plurium Israëlitarum, blasphematur nomen Domini, & sic ultra quintum, & septimum præceptum progressus, etiam in primum, secundum & tertium præceptum peccavit. Ergo insigne exemplum est David, sic ordine in totum serè Decalogum impingens &c: Et paulò pòst; Vir tantus prolabitur non in unum leve peccatum, sed in monstra plurium peccatorum simul: & quod periculosissimum est, prolabitur in impœnitentiam & altam securitatem, adeo ut si Nathan non venisset, David fortè peccasset in spiritum sanctum &c.*

15. Hoc peccatum, id est, peccatorum densum quoddam agmen, tandem agnovit, sibiq; in conspectu posuit David. Ait enim: *Iniquitatem meam ego cognosco. & peccatum meum coram me est.* Hebræum וְיָדַעְתִּי אֶת-חַטֹּאתַי est verbū amplissimi usus: significat enim scivit, novit, didicit, intellexit, expertus est, approbavit, non nuda sed cum affectu cō-juncta. fovit, inspexit, misertus est, honoravit, curavit, benefecit, videndi Lexicographi, imprimis Pagninus. Hoc loco, quod non nu-  
C dam

3.  
Peccati a-  
gnitio.

Nec tamen  
tali qualis  
est securè  
impiorum.

dam scientiam aut cognitionem omni affectu vacuam, sed cum variis conjunctam animi motibus denotet, per se manifestum est. Qui motus quales sint, ex verborum serie atque ardentibus patescit gemitibus. *Cognoscunt etiam impij quidam & securi sua cum affectu peccata, sed tali, ut de iis latentur & gaudeant: latantur inquit Salomon Prov. 2, 14. cum malè fecerint, & exultant in rebus pessimis, quorum via perversa sunt.* Ambros. in h. l. tom. 4. pag. 385. pleriq; in suis lapsibus gloriantur & putant, ea laudasse quæ crimini sunt: alienum coinquinare thorum, hominem occidere, rapto vivere, circumvenire & fallere, virtutis & sapientie esse putant &c. Tales extiterunt ex Judæis nonnulli, de quibus Ies. 39. *Agnitio vultus eorum respondit ijs,* (Lutherus ad Hebræum reddidit *Ihr Wesen hat sie kein heel*) & peccatum suum, quasi *Sodomæ*, predicaverunt nec absconderunt: confer. Jer. 17, 17. *In malitijs tuis gloriata es &c.* ut & Psalm. 52 3. *Sunt affectus istius agnitionis peccati omnium maximè abominandi: non enim scelus aliud ire potest, quàm si ex eo gaudium capiatur, hæc extrema est impietas atque ejus apex, qua de re Salvianus lib. 7. de gubern. pag. 280. Solet res flagitiosa, quando agitur occulte, fidem facinoris non mereri: supra autem omnem monstruosi piaculi execrationem est, scelus summum admittare, & pudorens sceleris non habere &c.* Tales, quod unum adhuc habebant in malo bonum, perdunt, peccandi verecundiam: laudant enim ea, quibus erubescant & vitiis gloriantur, inquit Seneca lib. de vita beat. cap. 12. apud Rittershusiam commentar. in Salvian. pag. 318. Deinde peccata sua quoq; cum affectu cognoscunt, qui desperant: peccatum fratricidii gravissimum esse, agnoscit desperabundus Cain Gen. 4, 13. similiter Saul, Achitophel, Iudas, scelera sua agnoscunt, sed ut ad horrendam eorum larvam nimis contremiscant, & omnem consequendæ gratiæ spem abjiciant. Verùm talis affectus in Deum ejusque veritatem, misericordiam, promissiones, in meritum Christi ejusque efficaciam & amplitudinem blasphemus est. Alios planè affectus animo habet David, cum ait: *Iniquitatem meam ego cognosco.* Non latantis, sed intimè dolentis verba sunt. Expendit tecum diligenter atrocitatem suorum peccatorum; expendit multitudinem singularium planeq; extraordinariorum beneficiorum, quibus præ

infini-

Desperantium.



infinitis aliis, à DEO non affectus tantum, sed cumulat fuit; expendit detestandam *iniquitatem* & horrendum eorum abusum: expendit inde iram DEI consumentem, quam adversus se concitavit; expendit ex ira maledictionem & pœnas temporales & æternas, quas promeruit, inde mœror oritur & tristitia, qua DEum super omnia diligendum, peccatis suis gravissimè læsum, deplorat, inde lugubres & lamētis plenæ voces, quas per psalmos pœnitentiales legimus, ut ita verborum Davidis, iniquitatem meam eo cognosco, sensus sit. *Iam quid peccatum sit meum, re ipsa experior, sentio detestandos scelerum adulterij, crudelissimi homicidij, aliorumq; scelerum is conuictorum fructus, o ter quaterq; horrendos! Video, quantis iam sim exutus bonus, quibus pridem abundavi, quantis contra malum sim obrutus, quibus liber fui, versantur ante oculos terribilia facinorum spectra, ante aures formidabilia comminationum & maledictionum fulmina: ad quæ toto pectore contremisco, toto corpore perhorresco & concutor: heu me omnium miserrimum!* Hos enim Davidis, posteaquã ad peccatorem suorum perductus est agnitionem, fuisse interiores affectus, externas voces gestusque, ex pœnitentialibus psalmis satis est manifestum. Sed tamen, inter hosce pavores animi & consternationes, nō despondet animum aut succumbit, sed mente ad immensam DEI misericordiam & clementiam, ad benignissimas promissiones, ad aliorum, qui per pœnitentiam peccatorum remissionem consecuti sunt, exempla conversus, spem meliorem concipit, eaque sese erigens dolorem mitigat: quin ex ipsa peccati agnitione, quam à DEo requiri novit, benè sperandi materiam haurit.

16. Ast unde hæc in Davidico pectore peccati agnitio? Ille *Ego inquit, iniquitatem meam agnosco*, quæ verba ipsum Davidem hujus agnitionis operantem causam facere videntur, quod, cum aliquamdiu peccatis indulserit, parumque ea curavit, tandem arbitrii sui viribus ea ad animum revocare, deque iis dolere inceperit. Verum, si, quæ ipsius ex eo momento, quo in adulterium impiè consensit, fuerint consilia, studia, actiones, consideremus, tantum abest, ut eum à seipso ad peccatorum agnitionem se erexisse, ut potius è contrario longius subinde atque longius ab eadem advocatum fuisse, manifestè

Sed qui  
conjuncta  
habet spem  
gratiam.

Cujus ag-  
nitionis  
nō ipse ex  
viribus su-  
is operanti-  
causa fuit.

Ca

depre-

deprehendamus. Nam ubi scelus fuit patratum, adulteram in ades suas dimisit, per omnia similis illi, *que comedit, & tergit os suum, & dicit secum: non sum operata malum.* Prov. 30, 20. Paulò pòst, cum Bathsebam ex nefando concubitu esse gravidam, accepit, ut facinus contegeret, varia machinatus est, è castris Uriam vocavit, & ut *descenderet in domum ad uxorem suam*, monuit, alienum, quantum in se, heredem suppositurus: quod cum ex voto non succederet, postridie eum ad se invitavit, atque epulis & crapula ad conjugalem cum uxore consuetudinè permovere conatus est: sed cum nec hoc, ob singularem Uriæ pietatē, per quam etiam licita voluptate, in Reipubl. periculo abstinere secū firmiter constituerat, obtineret, ad homicidiū nefario decreto prorupit, Ducis Joabi opera, ad flagitia sua abusus est, & ut Uriam virum sanctum, fidum, fortem, innocentem, imò de Reipubl. singulariter meritum, inter heroas 1. Chron. 12, 41. numeratum, è medio tolleret, mandavit: mox allato de Uriæ cæde nuncio, gavisus est, sibi gratulatus, ac Joabum sceleris socium hortatus, ut strenuè rem urgeret, nec animo frangeretur, consolatus simul, more planè ethnico, è communibus belli eventis, & quod per Martem ἀλλοτρίως ἀλλοτρίως interdum hi, interdum alii gladio pereant: tandem nequid deesset, adulteram in domum suam recepit, 2. Sam. 11, & seqq. Nullum in his omnibus seriæ ac salutaris peccatorū agnitionis vestigium, argumenta verò auctæ indies, integro ferè anno, securitatis, cæcitatis, indurationis haut pauca. Venit autem tandem, jussu divino, Nathan Propheta, & parabola piè ingeniosa grande Davidi exprobravit facinus, quod cum ipse plures haberet uxores, nihilomin⁹ furore libidinis accensus, Uriæ unicam & charissimam conjugem rapuisset & violasset, quin & optimum maritum gladio Amonitarum occidisset: cui exprobrationi gravissimas subjunxit minas, fore ut *gladi⁹ de domo ejus non sit recessurus in seculū*, ut ex ipsa ejus domo inexpectati hostes, variaq; calamitatum flagella, sint proditura. 2. Sam. 12, 1. & seqq. Atq; hac concione Davidi quodam modo mentis oculi, quos sat diu hætenus securitas clausos tenuerat, aperti sunt, ut in se redierit, peccata sua, eorumque atrocitatem agnoverit, deque iis doluerit, & seriò quidem: Tametsi enim historia 2. Sam. 12,

Sed DEus  
per Pro-  
pheta Na-  
thanis cō-  
mionem.



Sam. 12, 13. rem totam una voce peccavi exprimat, plurima tamen & maxima eadem comprehendit, nimirum omnia suspiria, gemitus, preces, clamores, lacrymas, vigilias, quibus integras noctes impendit. Testes sunt Psalmi poenitentiales, qui, in verbum peccavi, illustria commentaria continent & exhibent. Omnia hæc Nathanis Prophetæ concio operata est, qua sine David suis arbitrii viribus peccati veterum non modo non excussisset, sed & amplius eodem fuisset oppressus. Augustinus in Psal. 51. tom. 8. pag. 486. David, inquit, aliquandiu post tergum ponebat, quod fecerat, suisq; oblitus alienæ iniquitatis se-  
verus admodum, quamvis iustus iudex erat, verum ubi Nathan peccatum ejus auferebat à dorso & ante oculos ponebat, ad secandum & sanandum vulnus cordis ejus ferramentum faciebat de lingua ejus, dicens ei: Tu es ille vir &c. Inde igitur non tantum ibi erumpebat in hanc vocem: peccavi Domino, sed etiam hoc loco inquit, iniquitatem meam ego cognosco. Ergo David, licet, ego, dicat, iniquitatem meam cognosco, nequaquam tamen ex seipso hanc se excitasse cognitionem, asserit, sed divinam in se, per concionem Nathanis, operationem & efficaciam, cui non sit reluctatus, veneratur & deprædicat, ut sensus sit: Ego, qui hætenus densissimis quodammodo securitatis tenebris immersus, atrociter peccata à me commissa non curavi, de iis non dolui, jam, posteaquam Iehova Prophetam ad me misit præconem poenitentia, novo lumine sum imbutus, ex quo nata peccatorum meorum vera agnitio, serius dolor, primus salutaris ad DEUM conversionis gradus, non obscurum ventura gratia indizium. Iam non amplius, ut pridem, peccata mea abscondo, sed ostendo, accuso, non excuso, spe bona fretus, fore ut quo maiore humilitate ego peccatum meum agnosco, hoc maiori gratia DEUS ignoscat; magna DEI bonitas, qua peccata revelat, ut deleat!

17. Seriam minimeque fucata esse iniquitatis agnitionem, intra animum suum, amplius confirmat David, cum subiungit: peccatum meum coram me est. Hebræo  $\text{לפני} \text{א} \text{ל} \text{לפני}$  respon-  
dent Latina, coram, ante, contra, & regione, ex opposito, & longinquo  
&c. Latini interpretes nonnulli per præpositionem coram, qui-  
dem per alteram contra, quidā promiscue reddiderunt. Utraque  
significatio non incommode retinetur, imò ex consideratione  
poenitentia Davidicæ retinenda est, quanquam prior præse-  
renda

Ex qua fa-  
ctum, ut  
peccatum,  
quod pri-  
dem non  
curaret, ip-  
si in conspe-  
ctu sit pos-  
tum & co-  
ram.



renda sit. Nam David præcipue id agit, ut ostendat, (quæ Augu-  
stini verba sunt) se non ponere post dorsum suum, quod fecit, non in-  
rueri alios, sui oblitum, non affectare stipulâ ejicere, de oculo fratris  
sui, cum habeat trabem in oculo suo, non deponere ejus memori-  
am, sed semper revelare, recordari & ante oculos habere. An-  
te lapsam lata mente, serena conscientia, hilari fronte & lin-  
gua dixerat: non impiè desivi à DEO meo, quia omnia judicia ejus  
coram me & statuta ejus non abjeci à me. Psal. 18, 22. & 23. legem  
divinam semper in conspectu habuerat, ad hanc retulerat men-  
tem & oculos, ad hujus præscriptum instituerat vitam suam,  
in hac voluntas ejus & meditatio die ac nocte Psal. 1. 2. Iam post la-  
psum è contrario tristi pectore, animo perturbato, vultu & ore  
squalido dicit: peccatum meum coram me est; horribile mon-  
strum, ad cujus intuitum miser contremisco. Tametsi verò Da-  
vid hoc præcipue spectet, simul tamen tacitè conqueritur, pec-  
cata sua, quæ coram videat & contempletur, contra se stare, esse  
hostes suos truculentissimos, acerbissimos accusatores, testes  
molestissimos, tortores crudelissimos, flagella durissima &c.  
jam sentire se & experiri vim divinæ comminationis Psal. 50,  
21. Arguam te & statuam contra faciem tuam, quia cum adulteris  
portionem posuisti. Atque ita idem ferè dicit, quod postea Ju-  
dæi Esa. 59, 12. multiplicatae sunt iniquitates nostrae & peccata  
nostra responderunt nobis, quia scelera nostra nobiscum & iniquita-  
tes nostras cognovimus &c. Varia & multiplicia peccata, quæ pa-  
travimus, magno & hostili agmine in conspectum nostrum  
prodeunt, nos accusant, contra nos testantur, & una voce, ut  
perdamur & deleamur meruisse, clamant: qua ratione etiam  
Ambros. in Apolog. David. priori cap. 9. tom. 4. pag. 385. vo-  
cem coram intelligit: ubi piè gravitetque, insipiens, ait, delecta-  
tur erroribus suis & novis vetera obumbrando peccatis se existimat  
adjuvari, ideoq; exultat in crimine. At vero sapiens adversum se  
iudicat esse delictum suum & tanquam hostiles acies; ita lapsus cul-  
parum suarum adversantium modo sibi arbitratur obistere: quic-  
quid personuerit, quicquid increpuerit, culpa ei propria semper oc-  
currit, quicquid fuerit dictum aut lectum, in se dictum putat: quic-  
quid intenderit, se nutu, se oculis signari putat: si epuletur, si cogi-  
tes, si oret ac deprecetur, ante oculos semper est error proprius, &  
momentum



momentis omnibus culpa pulsat conscientiam, nec quiescere, nec ob-  
livisci sinit, velut gravis censor exagitat se terrore perpetuo: omnia  
igitur adversa habet, qui ipse sibi duplicet, ipse sui accusator, ipse sui  
testis est, nec invenit, quod fugiat, quippe se perurget & stimulat. Sed  
hoc bona mentis est, vulnus sentire peccati: ubi enim doloris sensus  
est, ibi etiam est sensus vitæ: sentire enim vitalis vigoris ac muneris  
est &c. Nec aliter Lutherus noster, qui verborum, peccatum  
meum coram me est, hanc subnectit *ταπείνωσις*: incumbis cervici-  
bus meis, premit me, non possum eo plane liberari, urget, non admittit  
ullam quietem, non pacem, non vinum, non panem, non somnum excutitur  
&c. Hunc esse verborum sensum, verlicolorum *πικρὺν* ostendit, ubi  
tamē non rejicim<sup>us</sup> Brentii sententiam, qui de peccato originali  
Davidem loqui arbitratur: Quod est illud peccatum, inquit, quod  
coram Davide est? Originale. Hoc enim peccatum David fa-  
teatur semper esse coram se & in conspectu suo, quia caro, in qua hoc  
peccatum habitat, semper concupiscit adversus spiritum, & homo  
volens facere bonum semper reperit, quod malum ipsi sit adiunctum  
&c. Rectē sanē, si non exclusivē dicta intelligantur: à pecca-  
tis enim actualibus, quæ coram se habuit David, ad fontem &  
radicem eorum peccatum scilicet originale descendit: atq; i-  
ta & maledictam arborem & peitilentes fructus ob oculos sibi  
posuit.

18. Superest huius agnitionis peccatorum perpetuitas & perse-  
verans continuatio. Transierat nefandus adulterii cum Bathseba <sup>Agnitio-  
nis perse-  
verans</sup> actus, transierat crudelis homicidii patratio: at non ita etiam  
David transire patiebat scelerum considerationem, deque iis  
animo dolore conceptum, sed eorundem assiduē recordaba-  
tur: redibat per intervalla in memoriam atq; oculis sese men-  
tis sistebat occasio, ex qua in crimina tam gravia prolapsus fu-  
erat, orium, curiositas: sistebant se flammæ libidinis, quibus in-  
census Bathsebam vocarat, sistebant impura colloquia & persvasi-  
ones, adeoque ipse flagitiosus cum adultera, quam blandimen-  
tis suis seduxerat, congressus: redibant etiam impiæ machina-  
tiones, quas ad tegendum & occultandum vitium alieni thori  
crimen excogitarat, redibat callida Uriæ à castris revocatio &  
inebriatio, sanguinaris & crudeles ad Joabum literæ, ipsa vi-  
ti & religiosissimi & fortissimi cædes, subditorumque aliorum  
plurium.

plurium in hostium manus perfidiosa traditio. Hæc terribilia  
 spectra in conspectu habebat semper תמיד Hebræum est,  
 quod cum nomen sit, cui latina *continuum*, *perpetuus*, *jugis* re-  
 spondent, adverbialiter tamen plerumque usurpatur, sed sen-  
 su diverso. Nam interdum *omne tempus* & continuam dura-  
 tionem sine intervallo denotat. Confer Levit. 6, 12. Num. 4, 7.  
 Phil. 4, 4. 1. Thess. 5, 16. aliquando item valet quod *crebrò*, frequen-  
 ter, sapissimè. Deut. 9, 7. *ex eo die quo egressus es ex Ægypto semper*  
 (juxta vulgatam versionem, in Hebræo enim non extat)  
*adversum Dominum contendisti v. 24. semper fuisti rebellis* cap.  
 31, 27. *semper contentiosè egisti contra Dominum*, id est, sæpe,  
 crebrò, arrepta quacunq; occasione. Nam quod non indefinen-  
 ter, omni die & hora, per tot peregrinationis annos, conten-  
 derint, ex historia sacra constat: imò interdum piè religioseq;  
 sunt locuti. Exod. 19, 8. *Cuncta, quæ locutus est Dominus, facie-*  
*mus*, piè etiam ac religiosè fecerunt cap. 35, 20. & 21. *Omnis*  
*multitudo filiorum Israel obtulerunt, mente promptissima atq; de-*  
*vota, primitiis Domino, ad faciendum opus tabernaculi testimonij.*  
 Ergo *semper* idem est, quod *frequenter*, *sapissimè*: quo etiam sen-  
 su accipienda verba Psalm. 95, 10. *quadraginta annis offensus sui*  
*generationi illi, semper hi errant corde*: itemque saluatoris Chri-  
 sti Luc. 18, 1. *Oportet semper orare & nunquam deficere*: ubi  
 nonnullis tò *orare est operari*, sive bonis vacare operibus, id  
 quod perpetuò à Christiano homine requiritur: aliis *vita beata*  
 & *eterna* *flagrare desiderio*, quod ipsum quoque perpetuum esse  
 debet. Sed ex ipsa parabola, quæ statim subnectitur, manife-  
 stum est, tò *semper* æquipollere tò *frequenter*. Vidua enim non  
 continuè nocte dieque in clamavit in iniquum judicem, *vindi-*  
*ca me de adversario*, sed sæpe, frequenter, per intervalla, crebri-  
 us eodem die, nec desistit, donec expugnavit animum ejus, &  
 quod voluit, obtinuit: ita Christi monitum non simpliciter  
 continuationem & perpetuitatem, sed iterationem & constan-  
 tiam in precibus exigit, ut si mâne ad preces auxilium non fe-  
 ratur, vespere eadem repetantur: si hodie ex voto non impetre-  
 mus, quod petimus, postero die ad eandem orationem redea-  
 mus, nec ex tardio aut desperatione eam intermittamus.  
 Non enim decet *laxari*, sed *perseveranter* instare: Non ta-  
 men



men rejicitur eorum explicatio, qui de mentali oratione & af-  
 fiduis cordis affectibus, aut de corde ad pias preces semper pa-  
 rato Christi verba accipiunt. Confer Lutheri enarration. orat.  
 Domin. tom. 1. Jen. germ. pag. 69. a. ubi ait: de spirituali ora-  
 tione dicta sunt verba, oportet semper orare, hzc enim semper  
 fieri potest etiam in externis laboribus &c. Piè Basilius homil.  
 in martyrem Julittam tom. 1. pag. 317. & seq. ad verba Aposto-  
 li. 1. Thess. 5. sine intermissione orate: Non oportet orationem ple-  
 nè in syllabis constituere, sed simul in actionibus, quæ per omnem vi-  
 tam intento studio perscuiuntur ad præscriptum virtutis juxta Pau-  
 lum: sive comeditis, sive bibitis, sive quid facitis; omnia ad gloriam  
 DEI facite. Ergo accubens mensa ora, esitans panē largitori gratiam  
 repende, sufficiens corporis vires vino, sac memineris ejus, qui te hoc  
 dono impertivit: tunicam indueris? gratias agito benigno datori:  
 amicivis pallio? fac in te augetur intentior erga DEVM charitas.  
 Confer reliqua in hanc sententiam plura. Hoc loco vocem  
 ὁρᾷ semper idem Davidi esse, quod crebrò & frequenter, ne-  
 mo dubitabit, qui vitæ ejus actiones & labores officii expen-  
 det; nam hisce etiam pars temporis non minima danda fuit.  
 Ut ita sensus sit: quando vesperi, mane & meridie (Psal. 55. 18.)  
 ad te clamo, peccatum meum menti meæ obversatur, quando  
 media nocte surgo ad confitendum tibi (Psal. 119. 62.) peccatum  
 primas occupat cogitationes: quin etiam non raro ipsis officii  
 laboribus se immiscet atque ingerit, adeoque raro me quiesce-  
 re & respirare sinit. Eximia pietas circa grandem impietatem!  
 magea virtus circa grave scelus! qua & misericordie divine a-  
 gnitio ac memoria constanter custoditur, & mens contra car-  
 nalem securitatem præmunitur. Quæsecum ponderans Chry-  
 sost. homil. 2. in Psal. 50. (51.) pag. 742. exclamat: ὁρᾷ  
 ὁρᾷ: ὁ generosa anima, ὁ mentis integritas: non est oblitus pecca-  
 ti sui & iniquitatis, quamvis remissa fuerit, ille tamen in consien-  
 tia sua, quæquam in imagine, adulterium & homicidium depi-  
 ctum habuit. Considerat DEI reipsa ad se factum verbum: Ego  
 sum, qui delicta iniquitates tuas, tu verò memor eorum esto, id est, i-  
 deo, ut gratiar sit misericordia mea, ut sentias, quid tibi remiserim  
 &c.

19. Habemus, uti arbitramur, germanum verborum Da. Locus de  
 D vidis, Continuatio.

ne poen-  
tentiali,  
ubi

1.  
Premitti-  
tur brevi-  
ter confi-  
deratio nō  
nullarum  
poeniten-  
tia

Distinctio-  
rum.

vidis, in quibus, præter alia plura, doctrina de priore poenitentia membro scilicet *Contritione* sedem suam habet, sensum: cui nunc ipsius articuli methodicam delineationem subnectimus, ubi quod innuimus, nonnulla de quibusdam poenitentia distinctionibus, præcipuè partium ejus, tum olim, tum hodie institutionis enumerationib⁹ præmiserimus sed breviter ac paucis. Nā vel omnes huc producere, quæ unquam traditæ sunt, vel in producendis singulis diutius subsistere, easdemque in accuratius vocare examen, pauciores paginæ, quibus hæc exercitatio includenda est, non permittunt.

20. Distinctiones variae sunt, quas varii Scholasticorum in Papatu disputationes olim cumularunt, apud quos alia poenitentia est desperativa, alia salutifera, item alia interior habitus, alia poenitendi exterior actus: rursus, alia virtus, alia sacramentum: porro, alia secreta, alia publica, alia solennis vide Lexic. Theolog. Altenstaigii à Johanne Tytz auctum. pag. 697. & seqq. Berchorius in suo repertorio distinguit poenitentiam in simulatam, qua sit deceptorum, desperatam, qua sit frustratoria perversorum, condemnatam, qua sit afflictoria damnatorum, & comprobata, qua sit meritoria converforum. Vide tom. 3. pag. 830 de quibus plerisque omnibus quid sentiendum, facile quivis, qui vel à primo limine Theologiam salutavit, intelligit, quod nimirum quædam species suum in scriptura sacra & exemplis fundamentum habeant, alia ex falsis hypothesebus nata & confictæ sunt. Fuerunt, qui poenitentiam in legalem & Evangelicam distinguerent, & legalem dicerent, quæ in solo conscientia ex legis fulmine & maledictione orto terrore, sine spe gratia & remissionis peccatorum subsistat. Evangelicam verò, qua homo peccator serid quidem de peccatis suis doleat, sed tamen simul in promissiones Evangelicas de gratuita omnium peccatorum propter Christi meritum & satisfactionem condonatione respiciat. At hi non animadverterunt, licet forte aliqua sit poenitentia, quæ merè legalis dici queat, nullam tamen unquam repertam, quæ merè Evangelica vocari potuerit, siquidem ad salutarem poenitentiam Lex & Evangelium concurrunt, ac singula suas partes conferunt. Distingui etiam solet poenitentia in Ethnicam, per quam gentiles extra



extra Ecclesiam, ex solo rationis lumine, interdum graviora scelera, quæ commiserunt, oderunt, detestantur, mallent, non committit, tristitia afficiuntur, & Christianam, quam fideles in Ecclesia exercent, qui in Christi nomen credunt & baptizati sunt. Quæ distinctio re & opera eadem est cum illis, quæ poenitentiam faciunt, aliam *rudem*, aliam *formatam*, aliam *servilem*, aliam *filialem*, aliam *mutilam* & *imperfectam*, aliam *integram* & *perfectam*. Notum etiam est discrimen inter poenitentiam *ingredientium*, sive eorum, qui per baptismum in Ecclesiam recipiuntur, & *stantium*, qui quotidie pijs poenitentiae exercitiis vacant, adeoque omnem in iis vitam, cen decet, consumunt, & *lapsorum*, qui ex gravioribus peccatis, in quæ post baptismum prolapsi sunt, divina gratia resurgunt. Confer de hisce D. Gerhard. LL. CC. de poenit. §. 33. & seq. D. Eckard, tractat de poenit. cap. 3. pag. 45. & seqq. dispp. Liptien. ses à DD. Schultero & Harbardo habitas pag. 628. & seqq. Wiggand. & Ind. Syntagm. Vet. Testam. pag. 1123. & seq. Nov. Test. pag. 836.

21. *Partitionum sive divisionum poenitentiae* famosissima sub Papatu est in tres partes scilicet in *contritionem*, *confessionem* oris, & *satisfactionem* operis, in qua quidem divisione: Bellarminus lib. 1. de poenit. cap. 19. proposit. 5. ait, omnes Catholicos convenire, idque ex divinis literis, testimoniis veterum & rationis congruentia confirmare nititur. Sed contrarium abundè D. Gerhardus demonstravit, quem vide confess. cathol. lib. 2. part. 3. artic. 16. cap. 2. pag. 18. & seqq. Nulla harum partium in scriptura sacra fundamentum habet. Nam licet ea à poenitentibus requiratur *contritionem*: talem tamen, qualem Pontifici tradunt (quæ sit actus liber voluntariè assumptus cū proposito confitendi & satisfaciendi, in qua singula peccata longo tempore & amarissimè deservenda sint, ut non solum apperiativè, sed etiam intensivè & extensivè summa dici possit: cuius tanta sit vis, ut qui omnium peccatorum veniam statim consequatur) prorsus ignorat, tantum abest, ut exigat. Sic confessio quidem in poenitentiae exercitio necessaria est & divinitus mandata: verum rursus non illa, quæ in Pontificij poenitentibus imponunt, ubi sacerdoti omnia peccata mortalia, quorum quis, post diligentem discussionem, conscientiam

Partitionū  
sive divi-  
sionum in  
1.  
Contritio-  
nem cor-  
dis, con-  
fessionem  
oris & sa-  
tisfactionē  
operis.

am habet, recensere cogitur, etiamsi occultissima sint, neq. tantum peccata, sed etiam eorum circumstantias, quis, quid, ubi, quare, quare, cur, quomodo, quando &c. At satisfactio, quæ est redditio æquivalentis, seu opus, quæ offensa iustitiæ DEI redditur æqualis, non tantum nusquam in scripturis invenitur, sed è diametro cum ea pugnat: est in Christi salvatoris meritum blasphemum, evertit promissiones Evangelicas de gratuita peccatorum propter Christum remissione, tribuit homini, quod in vires ejus nunquam cadere potest &c. Confer de hac pœnitentiæ partitione Chemnit. Concil. Trident. exam. pag. 378. Gerhard. de pœnit. §. 57. de stud. pietat. disp. 1. §. 39. Hutter. I. L. CC. pag. 761.

2.  
Mortifica-  
tionem &  
vivificati-  
onem.

22. Calvinianorum permulti suum secuti Magistrum dividunt pœnitentiam in mortificationem & vivificationem. Calvinus lib. 3. instit. cap. 3. sect. 5. pag. 204. fac. alt. meo, inquit, iudicio non male pœnitentia sic desiniri poterit, esse veram vitam nostram ad Deum conversionem à sincero serioq. DEI timore profectam, quæ carnis nostræ veterisq. hominis mortificatione & Spiritus vivificatione constat. Huic non tantum subscribit per omnia, sed etiam, quantum in se, fert patrocinium Beza in absters. calumniar. Talemanni Heshus. tom. 1. oper. pag. 107. seqq. nec minus Polanus syntagm. lib. 6. pag. 469. Sibrand. Lubbert. contra Socin. pag. 350. Bacanus I. L. CC. de pœnit. q. 14. p. 297. Sed mortificatio & vivificatio, proprie sumta, sunt pœnitentiæ posteriora & fidei fructus. Est enim mortificatio actio hominis regenerati & iustificati, quæ virtute Spiritus Sancti frenat, domat, compescit, reprimat & coërcet prava veteris hominis seu nativæ corruptionis motus & affectus, ne in aliquam turpitudinem erumpant. Confer Rom. 8. 13. imprimis Galat. 5. 24. ubi Apostolus, qui sunt, ait, Christi, qui per pœnitentiam ad Christum perducti, fideque ipsi uniti adeoque iustificati, illi crucifigunt carnem cum concupiscentiis suis. Ex quibus verbis clarissimè patet crucifixionem, adeoque mortificationem esse pœnitentia posteriorem. Sic vivificatio huic mortificationi opposita est actio hominis itidem renati & iustificati, quæ Spiritus Sancti gratiâ, mortificato vetere homine, novam vitam ingreditur, in eâque ambulat Rom. 6. 4. id est, actiones & studia ita moderatur, ut sint utrique legis divinæ tabulæ conformia,



nia, ad honorē & cultum DEI ac proximi emolumentum dirigantur. Confer Ephes. 4, 23. & 24. Coloss. 3, 10. Quia itaque mortificatio & vivificatio sunt actiones & opera eorum, qui iam per pœnitentiam DEO sunt reconciliati ac iustificati, adeoque pœnitentia posteriora, partes ejusdem commodè dici nequeunt. Unde etiam Bened. Atetius part. 1. problemat. loco 37. quo totam de pœnitentia doctrinam compendiosè tradit pag. 453. meminit quidem hujus divisionis, sed eam non recipit, verùm alias ponit partes, pœnitentiæ integrales, scilicet *cordis seriam mutationem, emendandi propositum & spem venia*. vide etiam Sohn. tom. 1. pag. 185. Notandum tamen ex nostratibus etiam esse, qui in hacce duas partes, nempe *mortificationem & vivificationem* pœnitentiam dividant. Wigandus & Iudex Syntagm. Vet. Test. pag. 1123. ad quæstionē, *quæ sint partes pœnitentiæ*? hisce verbis respondet: *Partes sacra litera duas enumerant, mortificationem & vivificationem*. vide etiam pag. 1166. Sed alio planè sensu, quam Calvinus, hæc nomina ulurpant, ut ex ipso verborum contextu liquet. Est iis *mortificatio* nihil aliud, quàm ipsa contritio & serius cordis conscientiaque dolor ex legis concione operante Spiritu sancto excitatus: *Vivificatio* nihil aliud, quàm certa fiducia de gratuita remissione peccatorum per & propter Christum ejusque meritum consequenda.

23. Recepta etiam est superioribus temporibus à nonnullis *divisio pœnitentiæ: in contritionem, fidem, & novam obedientiam*. Confer Phil. Melanchth. exam. Ordinandor. loc. de pœnitent. quæst. 2. & Chytr. Catech. itidem loc. de pœnit. q. 2. pag. 156. & seq. Verùm *bono consilio illi hæc locum non attenderunt, sed la-* <sup>3.</sup> *Contritionem, fidem & novam obedientiam.* *tius vocabulo pœnitentiæ usi, eos, quibus ministerium docendi per solennis ordinationis ritum committitur, monere voluerunt, ut in articuli hujus publica & suggestu explicatione, quando de essentialibus pœnitentiæ partibus verba faciunt, perpetuo subijciant graves ad novam obedientiam & bonorum operum studium exhortationes, atque ita tum securitati, quæ animos auditorum facilè occupat, obviam eant, tum adversariorum calumnias, quibus bonorum operum studium parum aut nihil à Lutheranis curari clament, reprimant.* Un-

de Phil. Melanchth. posteaquam loc. cit. tres pœnitentiæ partes enumeravit, statim subnectit: *hanc partitionem docendi causa bono consilio sic tradidimus, & petimus eam sine calumniâ intelligi.* Interim si, uti decet & fidei analogia postulat, quæ in se reipsa distincta sūt, accuratè distinguam<sup>9</sup>, novæ obedientiæ inter essentiæ aut integræ pœnitentiæ partes loc<sup>o</sup> dari non potest. Ad fructus enim ejus expressis scripturæ Testimoniis bona opera, in quibus exercitia sua habet nova obedientia, referuntur. Matth. 3, 8. Luc. 3, 8. Gal. 5, 22. adeoque sunt pœnitentiæ posteriora. Et si in rem præsentem eamus atque exempla eorum, qui seriam egisse pœnitentiam in sacris literis leguntur, inspicimus, passim hunc, de quo loquimur, ordinem deprehendimus. Dolet David de peccatis suis, misericordiam DEI implorat, eademque se solatur & erigit: pōst addit Psal. 51, 15. *Decebo iniquos vias tuas, ut impij ad te convertantur.* Confer descriptionem pœnitentiæ Israëlitarum Judic. 10, 15. seqq. Manass. 2. Chron. 33. 18. & seqq. Ninivitarum Jon. 3, 5. & seqq. Petri, Pauli &c. Quia etiam pœnitentia medium est consequendæ remissionis peccatorum Act. 3, 18. sequeretur, si nova obedientia & bonorum operum studium pars pœnitentiæ esset, in eodem spem impetrandæ gratiæ divinæ rectè collocari. Ex quibus satis elucescit novam obedientiam, licet archissimè veræ pœnitentiæ adhæreat, partem tertiam aut de essentiâ ejus non esse: quin & illud evidenter conspicitur, non esse, ut Pezelius arbitratur, inanem λόγος, si contra dissentientes disputetur: Confer plura apud D. Gerhard, LL. CC. §. 44. D. Eckard, de pœnit. pag. 58. D. Menz. exeg. Aug. Confess. pag. 545. & seq. Hutt. LL. CC. pag. 760. Brochmand. system. tom. 2 pag. 382. & seqq.

4. 24. Stat immota solidis nixa fundamentis *partitio in Contritionem & fidem.* Hæc enim & non plures Scriptura Sacra, & in ea Christus & Apostoli numerant. Marc. 3, 15. *pœnitentiam agite,* (pœnitentia per Synecdochen hîc ut & alibi, quando à fide distinguitur, ipsa est contritio) & *credite Evangelio.* Luc. 24, 47. *Oportuit prædicari in nomine Christi pœnitentiam & remissionem peccatorum.* confer Act. 2, 38. Accedit conversionis seu pœnitentiæ natura, quæ inter duos versatur terminos, à quo & ad



ad quem: ille sunt peccata, à quibus dolore, tristitia & odio abi-  
tur: hic DEUS, ad quem, spe consequendæ veniæ reditur,  
Act. 26, 18. *Convertantur à tenebris ad lucem, & de potestate Sa-  
tana ad DEUM.* Neque etiam *partitio totius doctrinæ Christianæ*  
alias, quàm has ipsas partes admittit. Constat ea, uti no-  
tum, *Lege & Evangelio*, quibus Spiritus sanctus ad penitentiam  
tum annunciandam, tum operandam ingenerandamque uti-  
tur. *Lex* hominum corda, ipsorum vitio, terret, prostermit, con-  
terit. *Evangelium* solatur, erigit, sanat. Sin etiam exempla  
verè penitentium in medium producamus, omnia uno quali-  
ore hanc partitionem confirmant & illustrent. Adam & Eva  
ex eo statim momento, quo legem divinam sunt transgressi,  
metuunt, trepidant, fugiunt, nec eriguntur prius, quàm ex ore  
DEI Evangelium de semine mulieris audiant: confer peni-  
tentiam Davidis, Manassis, mulieris peccatricis, & imprimis  
jucundissimam, ac nullis unquam meditationibus exhaustam  
parabolam de acolasto & patre ipsius Luc. 15, 11. & seqq. ubi in  
theatrum producit filius *primam* ex agnitione peccatorum  
suorum trepidans, expavescens, inde exclamans: *peccavi in  
celum & non sum dignus &c.* sed mox paterni affectus & pecto-  
ris tremor meliorem spem animo concipiens & dicens: *surgam  
& ibo ad patrem meum*: qua parabola quid clarius non si-  
gnificari tantum, sed & vivis depingi coloribus posset, quàm  
quod omnis salutaris penitentia *Contritione* ob peccata, & si-  
lencia consequendæ gratiæ constet & absolvetur?

25. Hanc itaque partitionem ex adductis rationibus cum  
omnibus orthodoxis retinentes primæ partis scil. *Contritionis*  
commentationi nos accingimus, quod *nomen* non, ut nonnulla  
alia, in certis fidei articulis, ab Ecclesia commodioris explicatio-  
nis ergò traditum, sed in ipsis literis sacris expressè significatu  
huius doctrinæ proprio scriptum (in concreto tamen, in abstra-  
cto, vel raro, vel nuspiam) reperitur. *Conterere* vox composita  
quid latinis alijs grammatica proprietate sit, notum est, nempe  
idem quod comminuerè & in pulverem redigere, quo sensu ex-  
tat Exod. 32, 20. ubi Moyses vitulum idololatricum ab Aarone  
conflatum usq. ad pulverem contrivisse dicitur. confer Deut. 9,  
21. cap. 23, 25. *manu spicis conteres*, inde *contritio* (vox Ecclesi-

In ipsa tra-  
datione  
considera-  
tur nomi-  
nis  
Eymolo-  
gia & ho-  
nominia.

allicia

afflicis, non æquè profanis scriptoribus usitata) ipse est conterendi actus sive comminutio, *Metaphoricum sensum* huic aliisq; locis, quibus pœnitentiæ natura, affectiones & operationes describuntur, *proprium esse* apud omnes constat, desumptum à lignorum vel lapidum, vel metallorum, vel ossium violenta in minutissimas partes confractione. Confer Exod. 9, 10. 12, 46. 23, 24. Deut. 12, 3. Jud. 7, 20. Quemadmodum enim fulmine arbor aliqua aut columna, malleo lapis & saxum, scepro ferreo vas figuli confringuntur, conteruntur, comminuuntur: sic sensu peccati & dolore inde concepto, cor hominis gravissimè afficitur, perturbatur, adeoque quodammodo conteritur & comminuitur: confer Flac. Clav. part. 1. pag. 174. *Affinis est* iste vocabuli usus tropicus alteri, quo ad acerbissimarum calamitatum immissionem & inflictionem pœnarum crebrò in scripturis adhibetur. Jes. 10, 20. *contrivit Dominus plaga magna Reges Amorrhæorum* Job. 9, 17. *in turbine conteret me & multiplicabit vulnera mea*: confer cap. 16, 12. & Esa. 1, 28. vide Plac. cit. loc. & Ravanell. bibliothec. sacr. part. 1. pag. 163. Eodem modo vox hebræa כָּרַס usurpatur, nempe ut propriè significet confringere & comminuere Genes. 19, 9. Levit. 11. 33. Num. 9, 11. & passim alibi; deinde per *metaphoram* dolere animo ex peccatorum & iræ divinæ gravitatis consideratione Psalm. 34. 19. & 51, 19. itemque durissimè affligi, variisque flagellari, calamitatibus, iisque penitus consumi Ps. 10. 15. & 37, 17. Prov. 6, 15. Esa. 8, 15. Habet tamen & alias significationes, quas vide apud Lexicographos, inprimis Schindlerum & Pagninum. Nominis כָּרַס amplior etiam est significatio, quippe quo non tantum fractura, comminutio, dolor, calamitas, sed & rerum obscuriorum explicatio Judic. 7, 15. notatur, itemque frumentum, annona, cibus, alimentum Gen. 42, 1. cap. 43, 3. Deut. 2, 6. Amos. 8, 6. ideo sic dicta, quod famem frangant & conterant confer. Psal. 104, 11. Græci plerumque Hebræa reddiderunt per *κρῆσις*, *κρῆσις*, *κρῆσις*, ut ex locorum collatione patet: quæ vocabula quidem propriè notant rerum diversarum collisionem, inprimis earum, quibus ignis elicitur. Vide Henric. Steph. tom. 3. column. 1345. sed tamen ejusdem quoque usus sunt, cujus Latina &



tina & Hebræa. De dolore & animi tristitia, quando usurpatur  
verbum *συγρίβειν* non leviolem tantum, sed acerbum affectum  
notat, adeoque plus est, quam *λεπταίνω*. Confer Hent. Steph. loc.  
cit. Idem de derivatis judicandum, confer. Rom. 3, 16. *συγριμ-*  
*μα καὶ πάλαι ποτὶς ἐν ταῖς ὁδοῖς αὐτῶν.*

26. Appellationes Contritionis, quibus ejus natura compen- Synony-  
ditose exprimitur, in sacris literis sunt variæ. *Percussio cordis* ma-  
riatur 2. Sam. 24, 10. quam sensit David, posteaquam man-  
datum de numerando populo edidit, quæque aliud nihil fuit,  
quàm morsus quidam & latratus conscientia, quæ, lege DEI  
mota, ipsum peccati commissi monuit, accusavit, iram DEI &  
pœnas promeritas denunciavit: quæ secretior concio acerbissi-  
mum quodammodo flagellum Davidi extitit. Idem David in  
Psalmis suis præcipuè pœnitentialibus ex ipsa contritionis suæ  
praxi diversa ejus nomina profert: *conturbationem ossium* vocat  
Psalm. 63, ubi veterum hanc pauci per ossa præcipuè *animæ vires* quip-  
pe quæ ex intuitu peccati omnium maximè afficiuntur, desi-  
gnari volunt, ad cuius rei confirmationem loca alia, quib⁹ lau-  
dum divinarum celebratio, aliaq; opera & affectus ossibus tribu-  
untur, adducunt. Psalm. 35, 10. *Omnia ossa mea dicent, Domine,*  
*qui similis tibi?* Psalm. 51, 10. *exultabunt Domino ossa humiliata*  
confer Psalm. 38, 4. Esa. 38, 13. Sed rectius de toto homine, ejusq;  
tum animæ, tum corporis viribus, quippe quæ omnes iræ divi-  
næ sensu & metu pœnatam conturbari solent, accipiuntur:  
quo sensu etiam de ossibus suis dicit Eliphaz. Job. 4, 14. *pavor*  
*tenuit me & tremor & omnia ossa mea perterrita sunt,* & ipsemet  
Job. cap. 7, 15. *ossa mea elegerunt mortem.* Ergo *conturbatio ossi-*  
*um* est summus hominis pœnitentis & peccatorum gravitate  
natus dolor & terror, quo omnes ejus vires concutiantur, adeo  
ut ne ossa quidem, quæ aliis sensus & doloris sunt expertia, ab  
eo libera sint. Confer Chrysost. in Psalm. 6. tom. 1. pag. 549. u-  
bi ad verba *ossa mea conturbata sunt,* ait: τὰ ὀστέα τὴν ἰσχὺν ἀπαρτὺν  
λέγει. Infixionem sagittarum dicit Psalm. 38, 5. *sagittarum non di-*  
*vini amoris & virtutum,* quæ, quod mirum, Chrysostomi expli-  
catio est, qui ad verba *sagitta tue infixa sunt mihi.* tom. 5. pag.  
960. sub finem ita scribit: τὰ βέλη, πότα; βέλη ἐν ταῖς ὁδοῖς. βέλη  
δικαιοσύνης, βέλη πλάτος πρὸς τὸν θεόν, βέλη χάρις ἀφ' αὐτοῦ, τὸ πρὸς τοῖς  
θεοῖς.



θεοῖς βέλεται ἢ ψυχὴ πτερώσεται &c. sed sagittarum summi & ex-  
 quilissimi doloris. Evolarunt enim ē manu & ore DEI in  
 Davidē *sagitta legi pectora transfodientes*, ut alius Græcorum Pa-  
 trum loquitur λόγῳ ῥύποντες, καὶ πτερώσαντες τὴν ψυχὴν καὶ τὴν  
 συνείδησιν αὐτὴν τιμωρέμενοι καὶ κολάζοντες: Harum sagittarum im-  
 missione cor Davidis profundissimè sauciatus est, longe gra-  
 vius, quàm si corporis aliquod membrum sagitta aut telo vul-  
 neretur. Similia his sunt, quod Propheta David *contritionem*  
 nominat Psal. 25, 17. *multiplicationem angustiarum cordis* Psal.  
 51, 19. *tribulationem Spiritus* &c. Jer. 31, 19. Ecclesia interiorem  
 contritionem & dolorem animi expressura, *femur se se percutere*  
 ait, externo signo secretum cordis affectum & angorem ex-  
 primens. Acerbissimi enim doloris index olim femorum per-  
 cussio erat, non tantùm foeminarum parturientium Jerem. 30,  
 6. sed etiam virorum, qui vehementer solliciti fuerunt, aut ob  
 triste aliquod nuncium graviter doluerunt: confer Zehner. ada-  
 gior. centur. 4. adag. 59. Joël Propheta habet *scissionem cordis*  
 cap. 2, 13. ostendens seriam contritionem cum gravissimo  
 dolore conjunctam esse, ita ut interiora viscera ac cor præcipuè  
 penè inde dilacerentur aut liquecant. In Actis Apostolicis  
 quando Judæi grande scelus in Christi crucifixione patratum  
 agnovisse leguntur, *corde dicuntur compuncti*: καταγεγυμένοι τῇ  
 καρδίᾳ. Contritio itaque est quædam κατάνυξις τῆς καρδιάς, non  
 autem eo sensu, quo Hesychius accepit, ut æquipolleat τῇ ἡσυ-  
 χίᾳ quieti: qua significatione etiam Septuaginta interpretes u-  
 si sunt, quibus κατάνυξις *compunctio* est sopor, stupor ac veluti  
 carentia sensuum omnisque intelligentiæ. Confer Esa. 29, 10.  
 Psal. 60, 5. sed ut exprimat acerrimus cruciatus, quo ani-  
 mus quodammodo lancinetur & pungatur, quemadmodum  
 urticarum aculeis corpus compungitur. Oecum. enarrat. in  
 act. Apostol. cap. 3. pag. 22. inquit: πέτρῳ εἰς κατάνυξιν αὐτὸς  
 ἤγαγε. Τὸ δὲ κατενύησαν ἀντὶ τῆ ἐπλήρησαν, ἑπαθον τὴν ψυχὴν ἑαυτῶν  
 κατέγνωσαν: percussi sunt, senserunt animam, quæ ipsos con-  
 demnabat. Plures Contritionis appellationes habent Wigan-  
 dus & Judex in Syntagm. doctrin. ex Vet. Test. adornato, loc. de  
 Contrit. pag. 1146. & seq.

27. *Esse Contritionem pœnitentialem cum per se manifestum*  
 nec



nec facile sit, qui absolute & simpliciter neget, in quaestione  
si pertractanda multum laborare velle, supervacuum foret.

De causa ejus efficiente principali si quaeratur, responsio quoque  
ex præc. disp. §. 30. & seqq. penè sufficiens peti potest. Ibi e-  
nim immotis sacrarum literarum fundamentus evictum est, Causa effi-  
ciens prin-  
cipalis Cō-  
tritionis,

Totius pœnitentia adeoq; & singularium ejus partium causam effi-  
cientem esse Deum Triunum, eumq; solum sine hominis cooperatione.

De Contritione in specie adducta verba Iehova Ezech. 6, 9. contri-  
vi cor eorum fornicans & recedens à me, & oculos eorum fornicantes

& recedentes post idola sua, & displicebunt sibi met super malis, Deus triu-  
nus & So-  
lus quidē.  
quæ fecerunt in universis abominationibus suis, quibus quod DEO  
contritionis opus in solidum tribuatur, & hinc ab ipso peten-  
dum sit, ipsos etiam Jesuitas, Sanctium & Cornel. à Lapide do-  
cere ostendimus. Eodem spectat certa ratione severa commina-  
tio DEI Psal. 50, 21, *arguam te & statuam* (peccata tibi tua)

*contra faciem tuam.* Quæ ad ultimi iudicii administrationem  
non incommodè quidem, rectè tamen etiam ad secretum judi-  
cium applicatur, quod DEus intra pectus & conscientiam pec-  
catorum hæc in vita exercet, quando eos securitate quodam-  
modo sopitos & ebrios, nec ullo pacto de peccatis suis sollicitos,  
interiori metu excitat, commissa ab ipsis peccata longâ serie  
è tenebris producit, ac, quæ Hebræi vocabuli vis est, veluti tur-  
mas quasdam aut exercitum ordinatum mentis contemplanda  
oculis sistit, unde incredibilis horror & tristitia oritur. Grego-  
rius Magn. in explanat. septem psalmorum pœnitent. tom. 2.  
p. 573. Optimam horum verborum habet paraphrasin, quam  
adscribere juvat: *Tu, inquit Iehova ad impium, peccata tua post  
tergum projecisti, ne possis videre. Ego autem, qui illa video, quid  
faciam? nunquid semper tacebo? imò arguam te & statuam con-  
tra faciem tuam: à peccatis tuis tu avertis oculos tuos, & quan-  
dam tibi vanam spei securitatem promittis, & quia ipse te non vides,  
quod nec ego te videam suspicari: putas, quod te non videam forni-  
cantem, quem video adulterium cogitantem? Ex hoc itaq; te argu-  
am & statuam contra faciem tuam: tu non vis attendere faciem  
tuam, ego itaque faciam, ut agnoscas &c. Quod DEI opus nihil  
aliud est, quàm ipsa contritio activa, qua animus peccatoris  
percellitur, ad quam cohortescit. Quemadmodum enim pec-*

E 2

catorum



ratorum post tergum abieccio Esa. 38, 17. proiecio in profundum maris Mich. 7, 19. exoptata est hominis peccata sua agnoscen-  
tis & de iisdem dolentis consolatio : sic eorundem productio  
& ante oculos securi peccatoris collocatio, severa est percussio  
& contritio, utraque à DEO profecta, unde David Ps. 38, 5. *sa-*  
*gittarum infixionem*, quæ ipsa contritio est, uni DEO tribuit,  
live dolores ex peccatorum agnitione ortos divinitus sibi im-  
missos fatetur. Hiskias etiam *ossa sua* à DEO *contrita* esse ag-  
noscit. Esa. 38, 13. Est *Spiritus sanctus*, qui mundum arguit de  
peccato. Joh. 16, 8. qui in primis originalis peccati, ex quo ac-  
tualia peccata nascuntur, scditatem, gravitatem, atrocita-  
tem, quam nemo hominum naturà agnoscit, in lucem profert,  
ob oculos ponit, ut, qui ritè eam intuentur, non possint non  
totis animis contremiscere. DEUS itaque & solus quidem  
contritionis pœnitentialis causa est, sine cujus operatione &  
lumine nemo unquam ad veram peccatorum agnitionem, mi-  
nus ad eorundem odium & detestationem perveniret.

Causa or-  
ganica lex  
est toto  
suo com-  
plexu.

28. *Causa organica sive instrumentalis*, per quam DEUS  
hominum peccata conterit, *lex est*. Inde enim *peccati est agni-*  
*tio* Rom. 3, 20. *hæc iram operatur* cap. 4, 15. absque hac *pecca-*  
*tum est mortuum* cap. 7, 8. Legem autem dum dicimus, simul  
*omnia, quæ quocumq; modo legis officio funguntur*, complectimur,  
adeoque huc etiam pertinent varia in sacra & profana histo-  
ria, quin & ipsa experientia severissimæ iræ divinæ & gravissi-  
morum suppliciorum pœnarumque exempla, itemque inusita-  
ta in cælo, astris, aere, aquis prodigia, visu audituque horren-  
da, quæ interdum impendentium maximarum calamitatum  
sunt prænuncia. In primis etiam huc pertinet seria passionis  
Christi per omnes partes meditatio : tametsi enim eius consi-  
deratio præcipuè sit Evangelica, in eaque fons omnis consola-  
tionis situs sit, unde immensam DEI Patris erga nos homines  
misericordiam & ardentissimum Filii amorem cognoscere li-  
cet, unde efficacissima, ad vincendas peccati, satanæ, mortis,  
infernî, tentationes, & invicta arma petuntur : simul tamen  
etiam lucidissimum exhibet speculum, in quo iræ divinæ furor  
& peccati atrocitas contemplanda proponuntur. Confer Ger-  
hard. LL. CC. de pœnit. §. 70. & seqq. Hutter. LL. CC. p. 757.  
Wigand.



Wigand. Syntagm. Vet. Test. p. 1148. & Nov. Test. p. 234. & 842. Eckard. dilucid. controvers. de pœnit. c. 4. p. 89. & seq. Non itaq. Contritio maximè & propriè ad Evangelium pertinet, quæ tertia Propositio est Bellarmini lib. 2. de pœnit. cap. 2. pag. 410. & seq. quam adstruere conatur, sed impertinentissimè ex Ezech. 11, 19. & 36, 16. Vbi DEVS pollicetur Spiritum novum, & cor carneum, ex Christi ipso & Apostolorum predicatione pœnitentiæ, à legis veteris & novæ naturæ & discrimine &c. Dictum modo est, ex lege esse, & sola quidem, agnitionem peccati, quæ cum aut ipsa sit contritio, aut magna ejus pars, necesse est, ut eò etiam ipsa met referatur. Et notissimum est, in eò præcipuè versari discrimen inter Legem & Evangelium, quod hoc vivificet, erigat, consoletur, à quibus functionibus alienissimum est omne id, quod propriè contritioni competit; illa verò occidat, terreat conscientiam, infigat sagittas, percutiat corda &c. quæ omnia in contritione cū concurrant, satis abundè, quod legem causam habeant, testantur: plura de hoc argumenta habent Gerhard, LL. CC. de pœnit. §. 77. p. 805. & seqq. Eckard. dilucid. de pœnit. cap. 4. q. 2. pag. 99. & seqq. ubi etiam Bellarminianæ opinionis fundamenta omnia ordine evertuntur: adde & Hunn. tom. 1. oper. tractat. de Sacramentis Veter. & Nov. Test. pag. 1104. & seq. VVigand. in refutat. Schvvenckfeldissimi, inter quem & Papissimum hac parte consensus est. pag. 261.

29. Materia ex qua contritionis κατ' ἀναλογίαν dici possunt omnes illi, sive actus, sive παθήματα, quæ in eadem concurrunt qualia sunt (1.) vera peccatorum agnitio, ita ut ab originali initium fiat, ejusque atrocitas probè investigetur: tametsi enim horrendam ejus turpitudinem nemo hominum intelligere satis possit, ejusque plena cognitio solius sit DEI, qui occultum nostrum ponit in illuminatione vultus sui. Psal. 90. 8. Decet tamen quemvis pœnitentem quàm diligentissimè anniti, ut, prælucente verbo DEI, nihil omittat, quo ad immanis sorditatis ejus agnitionem provehi queat, quippe qua sine vera pœnitentia exerceri non potest, confer exemplum Davidis Psal. 51, 7. (2.) Ira divina sensus, qui ad præcedentem agnitionem ultrò sequitur; qui enim ineffabilem peccatorum originalis & actualium

Nequaquã  
verò Evan-  
gelium.

Materia ex  
qua κατ'  
ἀναλογίαν  
actus &  
παθήματα  
quæ in cō-  
tritione  
concurrunt.



atrocitatem secum ponderat, & vicissim puritatem & mundici-  
em oculorum DEI, per quem malum videre & ferre non potest, Ha-  
bacuc. 1. 13. considerat, facile percipit, quantopere ira ejus ex  
peccatis accendatur. (3.) *Conscientia acerbissimi cruciatu*, quos  
iræ divinæ sensus parit. Quicumque enim se & natura peccato  
miserrimè corruptum, & quotidie peccata peccatis cumulare,  
& inde consumentem DEI iram adversus se concitare, intra se  
sentit, non potest non intimè cohortescere, trepidare, angi, ex-  
pavescere. Unde mox nascitur 4. *vera humilitatio*, qua ho-  
mo peccator, qui iram divinam & pœnas temporales atque æ-  
ternas meruit, se ad pedes & tribunal DEI abjicit, seque judi-  
cat indignum, qui erecto vultu aut sublati sursum oculus in  
conspectum DEI progrediatur. Cum isthac humiliatone con-  
juncta est 5. *peccati ingenua confessio*, ut licet peccator non ne-  
sciat, omnia peccata sua jam antè DEO esse manifestissima,  
& longè quidem, quam ipsimet peccatori, manifestiora. si-  
quidem DEus etiam profunda pectorum scrutetur, & occul-  
tas cogitationes ac desideria cum lege pugnantia exactissime o-  
mnia sciat, nihilominus tamen, quia sic divinus exigit ordo &  
spes remissionis, cor suum ingenuè effundat, & peccata corde  
agnita ore quoque confiteatur, & quidem 6. *cum extrema de-  
testatione ac odio*, quod animo sincero conceptum, sincerè que-  
que in auribus DEI exprimat, seque tantopere jam peccata a-  
versari atque execrari, quantopere pridem illis fuerit delecta-  
tus, significet. Hæc sunt, quæ contritio pœnitentialis com-  
pletur, ut ex eorum exemplis, quos verè contritos olim fuisse  
scriptura testis est, liquet: & hinc suo modo contritionis ma-  
teria dici possunt.

Forma.  
quæ consti-  
tuit non in  
Actione li-  
berè assu-  
ta.

30. *Forma in ipsa secretiori cordis compunctione*, quæ ex pec-  
catorum agnitione & metu iræ divinæ pœnarumque nascitur,  
constitit. Rectè VVigand syntagm. Vet. Test. pag. 1154. ad qua-  
estionem: *quæ forma contritionis? formam*, inquit *Contritionis esse*  
*inducant Propheta, veram agnitionem, pavorem & terrores consci-*  
*entia, sensum ira DEI & pœnarum ob admissa peccata &c.* Confer  
syntagm. Nov. Test. pag. 233. & 841. Passio ira, formaliter est  
hominis peccatoris pœnitentialis contritio & nequaquam actio,  
quod tamen Pontificii plerique omnes mordicus defendere ni-  
tuntur



tuntur. Nota sunt Bellarmini verba lib. 2. de pœnit. c. 2. *Contritio non est passio, sed actio, eaq; libera non coacta.* Et ante Bellarmin. definitiones, quibus Scholastici contritionem explicant: *Contritio est delectatio seu displicentia peccatorum à se commissorum liberè elicita à voluntate ad placandum divinam offensam*: item *Contritio est dolor pro peccato voluntariè assumtus cum proposito confitendi & satisfaciendi*: ubi, quia objici posset si contritio dolor sit, jam non esse actionem, respondent: *licet pœnitentia interior, quæ principaliter accipitur, pro contritione dicitur dolor de peccatis commissis, tamen ibi dolor non accipitur pro passione, sed pro actu*: unde dupliciter dicitur dolor: uno modo dissensus voluntatis ab ipso peccato: alio modo passio resultans in dissentiendo ex illo dissensu: dissensus autem iste est de essentia contritionis: passio autem est effectus illius &c. confer Lexic. Altenstaigii auct. à Johanne Tyra sub titulo *Contritio* pag. 200. & seq. Ergo Pontificii ferè omnes formam contritionis in actione constituunt, nec aliter possunt, quamdiu eam meritoriam esse docent: quia mereri est agere, & omne quod mereri debet, oportet ut virtutis, quæ habitus electivus est, actus sit. Confer Thomæ Aquin. Supplem. quæst. 1. artic. 2. pag. 3. ubi tamen subjicit: *quampvis contritio, quæ proprie significatur hoc nomine, non sit virtutis actus, tamen quæ metaphoricè hac voce significatur (quia voluntatis rectitudinem denotat) actus est virtutis.*

31. Verùm contritionem in pœnitentia non esse actionem aut actum liberum, ab orthodoxis hætenus argumentis, & numero multis, & pondere gravibus ostensum est, desumptis, ab ipsa nominis explicatione & germana significatione: Est omnis contritio in subiecto, quod conteritur, tam certè passio, quàm certum est, agere eum, qui conterit, ut contradictionem manifestam implicet dicere id quod conteritur, dum conteritur aut contritionem per impressionem recipit, agere. Ab aliis nominibus, quibus scriptura passim contritionem describit, quæ supra §. 26. allata: ut cum dicitur *percusio cordis, conturbatio osium, sagittarum infixio, compunctio* &c. *Natura & definitio passionis.* Pati est quoddam recipere, communis est Scholasticorum vox, vide Lexic. Altenstaig. pag. 652. *Passio ergo est actionis receptio*: quod etiam speciatim de contritione verum, quippe in qua

Sed passio-  
ne.



in qua DEUS per legem in cor hominis operatur : hoc verò actionem ejus cum tremore & timore recipit. Plura argumenta his non addimus, quæ legere licet apud Chemnit. in exam. Concil. Trid. pag. 381. Menzer, in Exeg. Aug. Conf. pag. 562. Gerhard, LL. CC. de pœnitent. §. 76. & in Confess. Cathol. lib. 2. special. part. 3. artic. 16. cap. 3. pag. 24. seqq. Meissn. Phil. Sobr. part. 2. pag. 426 & seqq. Eckard, dilucid. de pœnit. cap. 4. q. 7. pag. 91. & seqq. VVigand. Synt. V. T. pag. 1148. N. Test. pag. 234. Unde etiam ex ipsis Pontificis band pauci rei ipsius perspicuitate convicti non possunt negare, *contritionem esse dolorem per essentiam, esse contusionem & angorem ob patrata scelera*: quorum verba vide apud D. Gerhard. in confession. Cathol. lib. & cap. cit. pag. 26. Distingunt quidem ut §. præced. notavimus, inter dolorem sumtum pro dissensu ac displicentia voluntatis, & pro passione resultante in partem sentientem ex illo dissensu: ac priorem dolorem esse formam, posteriorem verò effectum contritionis ajunt. Sed falsum est, postulatum, *contritionem formaliter consistere in nuda displicentia*, cum potius angor sit & pavor mentis ob peccata commissa, qui quidem includit displicentiam, sed non est ipsamet displicentia. Rursus falsum est postulatum, *aliquem dolorem esse actum*, cum id contradictionem in adjecto habeat, neq; unquam concipi animo possit, quomodo id, quod formaliter dolor est, simul per essentiam actus sit, confer D. Gerhard. loc. cit. ex quo hinc annectimus, quod non negemus, si omnia, quæ in contritione concurrunt & §. 29. præced. enumerata sunt, sigillatim consideremus, quædam actus habere rationem, qualia sunt peccati recordatio & agnitio, iræ DEI consideratio, peccatorum detestatio: at in hisce *totæ* contritionis nequaquam consistit, sed tantum in timore vindictæ & futuri judicii, in conscientia legis aculeo vulnerata, in horrore, dolore, morsu, compunctione &c.

Quid de  
attritio-  
ne pontifi-  
cia senti-  
endum.

32. Non omnino sicco pede hinc prætereunda Pontificiorum *distinctio inter contritionem & attritionem*, de qua Altenstaig. loc. §. 30. cit. ex scholasticis posteaquam *contritionem* definit *displicentiam peccatorum liberè elicitam à voluntate* hæc addit. *Displicentia peccatorum est duplex, quædam perfecta & sufficiens, ad dimissionem peccati scil. quæ est de omnibus peccatis commissis*



missu & debite circumstantionata, praesertim circumstantia fi-  
 nis: alia est imperfecta non sufficiens ex parte penitentis ad remissi-  
 onem peccatorum, vel propter obiectum, quia non est de omnibus pec-  
 catis, vel quia ordinatur in finem inhonestum, & tunc vocatur at-  
 tritio, quasi eritio imperfecta, vel eritio in partes majores: perfecta,  
 verò diffidentia dicitur contritio, quasi eritio omnium simul in par-  
 tes minutissimas, quod sit, quando est de omnibus peccatis & secun-  
 dum omnes circumstantias requisitas ad peccatorum remissionem  
 &c. Plura vide apud Becanum de sacramentis in specie cap. 35.  
 tom. 1. pag. 848. & seqq. Dn. Chemnitius in exam. Concil.  
 Trid. de contritione pag. 382. paucis dogmatibus hujus de attri-  
 tione summam comprehendit. Docent, inquit, Scholastica dis-  
 putationes liberum arbitrium naturalibus suis viribus ex solo dista-  
 mine legi naturae sine operatione Spiritus Sancti posse in: haere, con-  
 cipere & assumere verum dolorem & detestationem peccatorum, hoc  
 est attritionem, & illam esse dispositionem ad gratiam: quam dispo-  
 sitionem vocant facere, quod in se est, quod sit meritum congrui.  
 Hoc dogma de attritione merito rejecit Lutherus & post eum  
 omnes orthodoxi in hunc usque diem, eo quod viribus naturae  
 corrumpitur tribuat, quod singulare DEI donum est, adeoque op-  
 pugnet ipsius Christi aphorismum: Mala arbor non parit bonos fru-  
 ctus facere, quod hominem faciat hypocritam & magis peccato-  
 rem, quod insuper fabricet periculosissimos conscientiarum la-  
 queos &c. de quibus omnibus videndus D. Chemnit. loc. cit.  
 ubi singula uberius persequitur atque illustrat: confer etiam  
 Zezmann. ferner offenbahrung des vncathol. Pabst. tom. 2. p.  
 319. & seqq. Eckard. de poenit. cap. 4. quæst. 7. pag. 130.

33. Fines contritionis diversi sunt. Gloria DEI hic quoque soli DEI  
 locum supremum habet, quique quo omnia, ordini divino gloriae  
 convenientia, spectant. Confer. Psal. 51. 6. Dan. 9. 7. Alter est,  
 ut DEO debita exhibeatur obedientia. Paratus est DEus ex sum-  
 ma misericordia, propter Filii sui meritum, peccata remittere,  
 sed certo ordine, cui etiam inclusa est peccatorum agnitio & se-  
 rius de us dolor: non enim nisi in vas contritum oleum suae gratiae  
 consiliter infundere, cujus non capaces sunt, quorum praeter  
 illa, dura, secuta sunt pectora: quo de ipse Jehova Jerem. 3. 21. non  
 irascitur in perpetuum, sed tangit se peccata sua &c. Joel. 2. 13. scilicet  
 corda



Perfugium  
ad divinā  
misericor-  
diam.

*corda vestra, plorent sacerdotes Domini &c. Tertius, ut agnita ex-  
trema miseria nostra, & quod ex eadem nulla in nobis emergendi  
vires, vera in Christum mediatorem fide ad solam DEI miseri-  
cordiam confugiamus, eundemque unicum solatii & salutis  
nostræ asylum nobis constituamus, ad exemplum Davidis Psal.  
51, 3. miserere mei DEus secundum magnam misericordiam tuam  
& secundum multitudinem miserationum tuarum dele iniquita-  
tem meam. Confer Dan. 9, 18. Quartus, ut quanta sit promissi-  
onum Evangelicarum & beneficiorum Christi merito partium dul-  
cedo, re ipsa experiamur. Dulcissimus est potus homini siti ex-  
hausto, gratissimus cibus fame pene enecto, jucundissimum o-  
leum, quo artuum dolores & cruciatus mitigantur: sic exopta-  
tissimum contrito & ex peccatis atque ira DEI perterrefacto  
pectori est nuncium Evangelicum, suavissima Christi beneficia  
fidei oblata & ab eo percepta Psalm. 51, 10. Auditui meo dabis  
gaudium & letitiam, & exultabunt ossa humiliata. Confer Wi-  
gand. Synt. V. T. pag. 1155. & seqq. ubi addit: sensum legis di-  
vinæ in ipsa praxi, ut, quæ ejus sit vis, rectius intelligamus, item,  
que excitationem odij adversus peccata, ut ab iisdem abhorrere  
discamus.*

Nequaquā  
verō remis-  
sio pecca-  
torum &  
justificatio

34. Pontificii hinc finibus quos sacra scriptura & dictis &  
exemplis tradit, non contenti, longius progrediuntur, & ipsam  
remissionem peccatorum ac justificationem peccatoris contritio-  
nis finem, quantum in se, faciunt. Altenstaig. in Lexic. pag.  
201. ex Scholasticorum sententia, posteaquam tres pœnitentiæ  
partes ab illis receptas, contritionem cordis, confessionem oris, sa-  
tisfactionem operis enumeravit, de contritione hæc annectit:  
Principalior pars pœnitentiæ est contritio, nam per eam principalior  
sequitur finis pœnitentiæ scilicet peccatorum remissio: ad cordis o-  
mnim contritionem sequitur remissio peccatorum etiam sine aliis,  
& ita sola in actu sufficit. Et mox: ad deletionem peccati sola cri-  
minis detestatio debite circumstantionata sufficit: confer etiam  
præcedentia & adde Bellarm. lib. 2. de pœnit. c. 12. pag. 422.  
ubi quæ ab antiquis Ecclesiæ Doctoribus securius atque incau-  
tius dicta sunt, scil. per contritionem peccata deleri, abluī, purga-  
ri, eadem Deum placari eiq. satisfieri, ipsam meritum ac pretiū esse,  
lacrymas veniam non postulare, sed mereri &c. cupidissimè ample-  
ctitur



dicitur & sua facit, ut evincat, *contritionem esse causam remissionis peccatorum*. At quid hoc est aliud, quam totam Evangelij doctrinam de misericordia æterni Patris, de Filii Christi merito, satisfactione ac toto redemptionis opere, de gratuita peccatorum remissione, de veræ fidei natura & operatione, adeoque simul veræ consolationis fundamenta convellere, ac afflictis conscientis de gratiæ & salutis certitudine dubitandi materiam subministrare, imò desperationi viam sternere. Est *sola æterni Patris misericordia*, fons & origo remissionis peccatorum & justificationis nostræ Rom. 3, 24. *solus Christus* sui contritione, doloribus & passionibus suis nobis remissionem peccatorum & justificationem promeruit. Esa. 53, 5. 1. Tim. 2, 6. Est *sola fides* instrumentum, quo DEI Patris gratia & Christi beneficia ad obtinendam remissionem peccatorum & justificationem apprehenduntur. Nullus hic contritioni, tanquam causa, aut medio, quo DEO satisfiat, locus est. *Non lex*, ex qua contritio oritur, sed *solum Evangelium* viam consequendæ remissionis peccatorum & justitiæ monstrat. Et quemadmodum dolor licet ingens & acerbus, qui ex inflicto corpori vulnere percipitur, nequaquam dici potest sanationis causa: sic quoque interior dolor, qui ex peccatis & mentis conscientiaq; vulneribus nascitur, spiritualis sanationis & justificationis causa non est. Habet locum suum contritio in via & ordine, qui cuius remissionem peccatorum & justificationem querenti tenendus est, sed non illico causa est: confer in hanc rem plura apud Hunn. tom. 1. oper. pag. 1003. D. Zezm. in der fernern offenbahrung des Eucharistischen Pabstthums. tom. 2. pag. 325. & seqq. Gerh. LL. CC. de pœnit. §. 85. Confess. Cathol. lib. 2. part. 3. artic. 16. cap. 3. pag. 27. Eckard. de pœnit. pag. 114. seqq.

35. *Effectus contritionis* varius omnium optime ex exemplis contritorum apparet: quippe è quibus prodeunt 1. *acerbi gemitus & suspiria*. Peccatum enim cum seridè agnoscitur, cum ira divina sentitur animo, non potest non ingemiscere secum homo & assidua trahere suspiria: quo de pœnitentiales Davidis Psalmi luculenta testimonia exhibent. Psal. 6, 7. *laboravi in gemitu meo* &c: Psal. 38, 9. *rugiebam à gemitu cordis*, confer. Psal. 102, 6. & 21. & preces Hiskia: Esa: 38, 14. *gembam ut columba*.

F 2

2. *Plora-*



**Floruit &  
lacryma.**

2. *Floruit & lacryma*, quæ post auditam gravem concionem penitentialem largiter profuderunt Israelitæ, ut & locus ipse iisdem irrigatus nomē inde sortitus & *Bochim* dictus sit Jud. 2. 5. & iterum David Psal. 6. 7. *lavabo per singulas noctes lectum meum, lacrymis stratum meum rigabo.* Confer historiam mulieris peccatricis, quæ Christi pedes lacrymis suis rigavit, Luc. 7. 38. Petri, qui ex trina Christi magistri sui abnegatione *amarè flevit.*

**Detestatio  
peccati.**

Matth. 26. 75. 3. *Detestatio peccati*: fieri enim nequit, quin ad ingentes animi cruciatus & dolores intimos, quorum omnium causa & origo est commissum peccatum, extrema ejus detestatio sequatur: quod pertinet vaticinium & divina prædictio penitentia: populi Israelitici Levit. 26. 41. tunc *orabunt pro impietatibus suis*, aut rectius juxta Hebræum: *acquiescent in pena iniquitatis sue*: id est, digna se peccatis suis pati fatebuntur, portabunt patienter iram Domini, non improbabunt ullo modo judicia divina: dicent uno ore: *peccavimus & non audivimus vocem Domini, ideo stillavit super nos maledictio, quæ scripta est in libro Moysi: iustus est Dominus Deus noster in omnibus operibus suis, quæ fecit.* Dan. 9. 9. & seqq. ac mox converti ad peccata sua, quibus tantas sibi attraxerunt calamitates, interiores conscientia: morsus & vulnera, nec non externas plagas & afflictiones, eadem detestabuntur & execrabitur: confer notam marginalem Lutheri ad loc. cit. & ejusdem paraphrasin, in qua hæc quoque verba habet: *Das sind Wort einer ernsten Reu/ba sich einer selbst im hertzen grund hasset vnd anspehet: saget/pfui dich/was hab ich gethan/danck hab du versuchte Sünde &c.* Cum hac peccati detestatione conjuncta semper est 4.

**Seria humilitatio.**

*Seria humilitatio*, qua se homo pectore contritus ad pedes DEI abjicit, in pulvere sedet, nullo se beneficio dignum æstimat: quo pacto David, agrotante filiolo ex adulterio suscepto, sese humiliavit & *super terram jacuit.* 2. Sam. 12. 16. itemque Hiskias, cum prius cor ejus fuisset exaltatum 2. Chronic. 32. 26. & Manasses. 2. Chron. 33. 12. & seqq. confer. parabolam de publicano Luc. 18. 13. Tandem 5. *etiam virum corporis debilitatio & prostratio ex contritione oritur.* Quemadmodum enim quævis animi ægrotudo & tristitia corporis vigorem facile frangit & imminuit: ita vel maximè dolor ille, qui ex seria peccati &

iræ



ira Dei agnitione nascitur, unde David Psal. 68, *trabatur et a furore oculis meum, inveteravi inter omnes inimicos meos* Psal. 71, 3, *inveteraverunt ossa mea* v. 4. *Conversus sum in arumna mea dum configitur spina.* Confer Psalm. 38, 4. & seqq. 102, 4. & seqq. & Wigand. synt. V. T. p. 1176. & seqq. N. T. p. 235. & 843.

36. De obiecto contritionis, (quod omnia peccata, originale & actuale disp. præc. §. 41. esse diximus) Scholastici pro more curiosè superflitioseque ac parum ad fidei analogiam, quam exempla verè penitentium confirmant, disputant. Antesignanus eorum Thomas Aquinas in posth. supplem. part. 2. quæst. 2. sex de eo articulos, sive quæstiones movet, quas omnes hoc loco sub examen vocare, longum nimis foret. Præcipuus est & nullo modo hic prætereunda, quam secundo loco ponit: *an contritio etiam debeat esse de peccato originali?* ad quam his respondet verbiis: *Contritio cum sit dolor voluntatis duritiam ex peccato contritum quodammodo comminuens, non proprie est de peccato originali, quod non nostra voluntate est indultum, sed potius natura corrupta origine est contritum, potest tamen de eo aliqua esse duplicentia.* Idem alii sentiunt & expressè, contritio, inquit, est de solo peccato actuali & de peccato proprio & peccato præterito, confer Altenstaig. Lex pag. 201. & Gregor. de Valent. tom. 4. disp. 7. q. 1. punct. 2. pag. 1546. & seqq. Sed ex falsis hypothesebus, quas in articulo de peccato originali amplectuntur, talia originem habent. Tradunt enim peccatum originis abusive peccatum dici, non tam esse offensam, quam maculam, imò penam potius, quam culpam, non habere rationem peccati, nisi cum respectu ad peccatum, quod Adam commisit, aut si sit peccatum, minus tamen esse quovis minimo peccato veniali, quod quidem possit dici obiectum contritionis, sed non nisi remotè. His stantibus, mirum non est, eos nullam propter originale peccatum contritionem esse necessariam statuere. Verùm aliter longè scriptura sacra de originali peccato loquitur, quod esse ait intimam, pessimam, profundissimam, & instar cuiusdam abyssi inscrutabilem atq; ineffabilem totius natura & omnium ejus virtutum, imprimis superiorum & principalium anima facultatum mentis & voluntatis corruptionem, qua hominem reddat ira Dei & peccatorum temporalium æternarumq; reum. De quo antehac disp. de peccato originali latius actum. Ex quo sequitur, non tantum



homini pœnitenti necessarium esse, ut de hoc peccato, cuius  
 fœditas nunquam satis agnosci mente aut describi verbis po-  
 test, seridò doleat & conteratur, sed & ex hoc ipso primam tristi-  
 tiæ & doloris hauriat materiam : id quod Davidē, quem DEus  
 omnium verè pœnitentium quoddam quasi speculum esse vo-  
 luit, fecisse Psalm. 51. legimus : in quo vehementer quidem a-  
 nimoque perculsus est ex horrenda facie peccatorum actuali-  
 um, homicidii & adulterii, sed maiorem sentit contritionem,  
 quando in eorum descendit originem, & se suamque naturam  
 ex ipsa prima conceptione miserrimè vitiata, ipsam primam  
 guttam sanguinis materni, ipsum semen, ex quo in utero ma-  
 tris fuerit formatus, fœdissime pollutum atque inde se domici-  
 lium, in quo omnium peccatorum colluvies habitaret, factum  
 esse, tristis secum considerat. Confer præc. §. 29. sub init. Huc  
 etiam referenda Apostoli Pauli *ταλαιπωρία*, quam Rom. 7. 24.  
 ex prava concupiscentiæ adeoque peccati originalis furiosis &  
 rebellibus motibus pectore percipiens graviter & lamentabili  
 voce conqueritur, inde fieri ut *bonū, quod ex regenerationis bene-  
 ficio velis, non faciat, contra faciat malum, quod oderit* : quod de-  
 lectetur lege DEI secundum interiorem hominem, sed videat aliam  
 legem in membris suis repugnantem legi mentis suæ &c. quæ *ταλαι-  
 πωρία* cordis contritionem complectitur, imò ipsa est contritio  
 atque intimus animi dolor. Ergo ut peccata omnia, excepto  
 nullo, sunt objectum contritionis pœnitentialis, siquidem  
 quovis peccato in se spectato Deus offenditur, atque ira ejus  
 concitatur : sic quoque & vel maximè quidem originale, ita ut,  
 qui contrarium statuunt, seria veræ pœnitentiæ exercitia im-  
 pediant, & ipso opere in hypocrisin homines seducant.

Subiectum  
 quod &  
 quo

37. *Subiectum* idem est, quod & ipsius pœnitentiæ scilicet *ro-  
 tus homo, fide subiecto quod* queratur : cor autem hominis, id est,  
 omnes animæ vires, mens, voluntas, appetitus, affectus, est *sub-  
 jectum quo*. Mens enim horrenda peccatorum monstra intuetur  
 & agnoscit : *Voluntas* ad ea sic agnita exhorrescit, eademq; dete-  
 statur ac odit : reliquæ etiam vires ac potentiæ dolore & tristitia  
 afficiuntur : quin imò licet contritio in his animæ viribus præ-  
 cipuè vim suam exerceat, non tamen corpus ejusque membra  
 omnino ab ea libera manent, sed ex arctissima cum anima con-  
 junctione



junctione in societatem doloris trahuntur: id quod ex exemplorum intuitu satis est conspicuum, confer Davidem & ejus Psalm. 6, 4. 7. 8. Psalm. 32, 3. seq. Psalm. 38, 4. & seqq. Hiskiam, mulierem peccatricem, publicanum, Petrum &c.

38. Ad Contritionis adjuncta refertur 1. *Quantitas*, de qua Adjuncta inter Pontificios veteres & hodiernos non eadem est sententia. confer Gregor. de Valent. tom. 4. disp. 7. q. 8. punct. 5. pag. 1724. & seqq. Becan. de sacramentis in specie cap. 35. q. 2. p. 849. seq. tom. 1. operum. Hodierni ferè omnes docent, non requiri tantam contritionem, quæ sit summa intensivè, nec quæ habeat certam intentionem soli DEO cognitam, sed satis esse, ut sit summus de peccato dolor appetitivè, quod fiat, quando quis ita peccatum detestatur, ut mallet illo carere, quàm alio quovis malo, saltem in genere de malis aliis omnibus cogitando. Debere enim oriri contritionem ex motivo charitatis DEI super omnia, unde sicut amor DEI super omnia non debeat esse necessario summus intensivè, sed tantum appetitivè, quia scilicet præferat DEum creaturæ: sic etiam servata proportionem de contritione sit judicandum. Vide Bellarm. lib. 2. de pœnit. cap. 10. & 11. qui rem totam sex declarare nititur propositionibus, quarum ultima est. *Utile* est, peccata singula amarissime & longo tempore deslere, ut contritio non solum appetitivè, sed etiam intensivè & extensivè summa dici possit. Ortum hujusmodi nullius pretii, sed potius intensivè & extensive periculosus ac superstitiosus quæstionibus falsa præbet hypothesis, de qua paulò ante §. 34. per contritionem deleri, abluì & purgari peccata, DEum placari eidemq; satisfieri &c. Inde enim in has de magnitudine contritionis disputationes progressi sunt, & tradiderunt, non quamvis contritionem talia efficere posse, sed eam demum veram sufficientem ac salutarem esse, quando doloris acerbitas magnitudinem scelerum & peccato conceptam voluptatem æquet. Scripturam sacram si hic quoq; ceu par est, consulamus, seriam illa quidem contritionem, quæ corda scindantur & compungantur, ab omnibus pœnitentibus exigit, gradus autem doloris ac tristitiæ nullos præscribit: ad deffenda peccata hortantur Prophetæ, Christus Apostoli: nuspiam autem certam lacrymarum fundendarum mensuram constituunt. Et si exempla pœnitentiæ hætenus

comme-



commemorata inspiciamus. Davidis, Manass. Mulieris peccatoris, Acolasti, Petri, Pauli, id quidem omnes egerunt, ut se verè serioque de commissis peccatis dolere, angere, contristari testentur, at quod de quantitate contritionis tali, qua doloris magnitudo aut cum voluptate pridem è peccatis concepta, aut cum peccati magnitudine conferenda, solliciti fuerint, nullum invenimus vestigium, confer Gerh. LL. CC. de pœnit. §. 83. & 84. Eckard. de pœnit. cap. 4. quæst. 5. pag. 127. & seqq.

Locus & tempus.

37. De Loco & tempore, quibus ob peccata dolendum, adeoque contritio necessaria est, repetenda quæ præc. disp. de pœnitentia in genere §. 43. dicta sunt: Eadem enim hic totius & partis ratio est. Pontificii hic quoque suis speculationibus indulgent, ac imprimis de tempore, quo contritio necessaria sit, variè disputant. Ajunt: neminem teneri ex præcepto contritionis, statim atque peccavit contriri: neminè obstrictum esse, ut de peccato semel remisso quando id memoria occurrit, doleat & conseratur. &c. Vide Gregor. de Valent. tom. 4. disp. 7. quæst. 8. de contritione punct. 4. pag. 1703. & seqq. Non ita sacre literæ loquuntur, non exempla verè pœnitentium docent, Certè mandata de agenda pœnitentia, adeoque etiam de contritione, à Prophetis, Christo, Apostolis toties inculcata, universalia sunt etiam respectu temporis, ut, quo momento quis in peccatum labitur, eodem de lapsa doleat & resurgat: quod etiam merito refertur salutare Siracidis monitum cap. 5. 8. *non tardes converti ad Dominum & ne differas.* Ad quem locum rectè Jesuita Cornel. à Lap. pag. 147. *Quis enim letheriferam viperam manu ferat & non statim excutiat? quis pestem in corpore alat? quis hostem capitalem intra mania ferat? quis demonem in mente gestet?* Subjungit ibidem admonitionem Basilii: *Quando te peccatis obnoxium senseris, ad penitentiam citò converte ne confundaris.* Confer etiam Chrysost. in epist. 2. ad Corinth. homil. 21. ubi locus Sirac. allegatus graviter illustratur, itemque Augustin. lib. 6. confess. cap. 11. & lib. 8. cap. 5. Quod Gregorius de Valentia tom. cit. pag. 1708. ait, *Exhortationes ad citam contritionem esse consilia, non mandata, intolerabile postulatum est, quod verborum claritas sufficienter retundit: Ejusdem commatis altera quoque est propositio de peccato semel remisso necesse non esse, ut qui deinde doleat & conseratur.*

An statim  
de commissis  
peccatis  
dolendum?



erratur. Ubi primum notamus, dum certitudinem remissi pec-  
 cati præsupponunt, quod sibi metipsis adversentur & dogma  
 suum evertant, quod de obtenta peccatorum venia semper dubita-  
 dum sit (verba sunt Oliverii Bonarii Jesuitæ in cap. 5. Ecclesiast.  
 p. 78. & 79.) quia nemo certus sit, an penitentia fuerit (sufficiens ad  
 peccati deletionem, an profecta ab auxilio gratiæ prævenientiæ, an tã-  
 tum mere naturalis, an absolutum fuerit abstinendi in posterum à  
 peccatis propositum, an ratio penitendi processerit ex DEI supra omnia  
 dilecti amore & peccati detestatione, an verò ex metu mali alicujus  
 temporalis &c. Deinde quæ ipsam spectat assertio, nō requirit con-  
 tritionem de peccato semel remisso, reclamant illi seridæ peniten-  
 tium iterati gemitus, suspiria, dolor subinde rediens, lamenta-  
 biles gestus vocesque. Remissa sibi fuisse homicidium & adul-  
 terium, ea hora scivit David, quando ex Nathane audivit: Do-  
 minus abstulit peccatum tuum, non morietur 2. Sam. 12, 13. & ni-  
 hilominus multas postea fudit lacrymas noctu interdumque, de  
 quibus Psalmi penitentialia testantur. Sic etiam de peccatis  
 jurentur, quorum se habere remissionem non ignoravit, vehe-  
 menter doluit Psalm. 25, 7. Intellexit enim, divinam esse volun-  
 tatem, ut penitentia exercitia sine intermissione continuen-  
 tur, ut præterita etiam & remissa peccata sæpius defleantur,  
 quod eorum turpitudine semper in mente versetur, divina cele-  
 bretur gratia, & cautius in postetum vivatur. Peccatorum odi-  
 um, ipse Jesuita Cornel. à Lap. inquit, nempe tam turpia rei, si  
 verum est odium, hoc quoque requirit, ut ea etiam condonata nos ta-  
 men ultro vindicemus: ita Petrus peccatum negationis Christi, li-  
 cet sibi remissum, tota vita flevit, & quotidie ad gallicinium ejus  
 memor abertim lacrymatus est. &c.

20. Cognationem habent cum contritione, quemadmodum Cognata.  
 illa, quæ præc. disp. §. 44. penitentia affinia esse diximus: sic  
 quoque eorum nonnulla, quæ supra §. 29. ad materiam retuli-  
 mus, ubi contritionis nomen in ampliori significatione usur-  
 patum, ut eo non tantum essentialia, qualia sunt vera peccati  
 agnitio, itæ divinæ sensus, & conscientia cruciatus ac morsus  
 comprehenduntur, sed etiam quæ illi adherent, quæ antecedunt  
 aut sequuntur: quo pertinet humillima ad tribunal DEI abje-  
 ctio, peccati detestatio &c. Sic ad cognata etiam referri sua  
 modo

An etiam  
 dolendum  
 de peccato  
 iam remisso

modo possunt quidam effectus §. 35. enumerati, scil. gemitus, lacrymæ, &c. Præcipue tamen peccatorum confessio, qua homo post vitæ suæ & actionum diligentem ad normam legis moralis explorationem infinitis modis se mandata divina violasse agnoscens, liberè ingenuèque, non sine animi dolore, vel coram solo DEO vel simul etiam coram Ecclesiæ ministro se peccasse faretur, & absolutionem à peccatis petit: de qua verò, quia tum ob dignitatem suam atque utilitatem, tum etiam ob varias corruptelas, quibus obnoxia est, accuratorem meretur meditationem, peculiari disputatione agere, cum bono DEO constitutum habemus.

*Fugnantia*

41. Qui sanam de pœnitentia doctrinam oppugnant, præcipui sunt PONTIFICII, ut ex hæcenus allatis constat. Per omnia enim ferè causarum genera & alias circumstantias, errores bene multos & graves, olim ex superstitione introductos, mordicus hodieque tenent & tuentur. Est illis contritio opus, *vi liberi arbitri elicitum, & dolor voluntariè assumptus*, ajunt, *proprie & maxime ad Evangelium eam pertinere, non passionem esse, sed actionem sive virtutis actum, finem & effectum eius esse remissionem peccatorum & justificationem, vim esse tantam, ut peccata deleat, & eorum omnium veniam à DEO impetret.* Confer supra §. 28. & seqq. & adde Heshus, sexcent. error. cap. de contritione pag. 56. & seqq. è Calvinianis Bucanus LL. CC. loc. 30. de pœnit. quæst. 3. pag. 291. & seq. duplicem habet contritionem: alteram legalem, ex legis prædicatione, qua peccator peccati cautè vulneratus & terrore ira DEI attritus, in ea perturbatione confusus hæret, ex qua se explicare non potest: alteram Evangelicam, qua peccator graviter quidem apud se afflictus, aliùs tamen assurgit & ex Evangelii prædicatione Christum, vulneris sui medicinam, terroris consolationem, miseria portum apprehendit: ubi distinctas pœnitentiæ partes contritionem & fidem, earumque causas & operationes mirè confundit. Quod enim peccator graviter afflictus & perterrefactus ad Christum medicum & consolatorem se recipit, non est ex contritione, sed ex fide, quæ solum in Evangelicas promissiones fertur, & in iis Christum, eorumque beneficia amplectitur. Confer D. Mentz exegel Aug. Cœchell. Loc. de pœnit. pag. 576. Antinomi in legem divinam existerè blasphemum non ex eadem, sed ex Evangelio immediate magnitudinem



dinem offense & deformitatem peccati ostendi & agnosci tradunt,  
contra manifesta Apostoli verba, peccatum non cognovi nisi per  
legem. Rom. 7. 7. Vide Schlüsselburg. Catalog. Hæreticorum  
lib. 2. quæst. de Antinomis pag. 37. & seqq.

42. Definitio Contritionis ex iis, quæ ordine allata sunt,  
talis nascitur. Contritio est verus & serius à DEO trinuno per præ-  
dicationem Legis in corde peccatoris excitatus dolor, per quem pec-  
catorum suorum originalis & actualium atrocitatem & gravitatem  
secum agnoscens, atque inde iram DEI & promeritas pœnas metu-  
ens, vehementer expavescit, contristatur & compungitur, idè im-  
missus, ut DEO eiusq; iustitiæ suæ constet gloria, & miser homo hac  
occasione ad opem, auxilium, misericordiam, solatium alibi scil. in  
Evangelio & Christo mediatore querenda compellatur.

*Ὁμολογία τῆς ἐνύστερης.*

---

*Ad Eximium Dn. Respondentem.*

**B**Is, memini, pridem te conscendisse cathedram,  
Doctè & de rebus differuisse sacris.  
Res benè successit. Labor hic est tertius: opto  
Hunc quoque fortunet, terque quaterque, DEUS.

*Amici affectus ergo scrib.*

Præses.

---

*Eximio Dn. Respondenti.*

**T**Er cathedra nostræ te sistis gnave GEROLDE,  
Terque ignava fugit cathedram lucemque serenam  
Turba, suis Musis quæ cantat & ardua spernit.  
Ter tibi, ter studiis benedicat ab axe Triunus.

F.

*Ioh. Conradus Danhavver D.*

---

**J**Am disputanti tertium, grator Tibi,  
Gerolde doctè, tertium.  
Par est tuam mactare diligentiam,  
Tot gratulationibus.

G 2

Par



Par est tuam juvare diligentiam  
Tot comprecationibus.  
Certabis ergò diligentia meis  
Cum gratulationibus?  
Certabis & cum comprecationibus?  
Fac. & juvet Ter optimus!  
Non nostra deerit gratulatio Tibi,  
Non nostra comprecatio.

*f. gratulab.*

Sebastianus Schmidt, SS. Th. D.  
P. P. & Ecclesiastes.

---

*Ad praestantissimum Dn. Respondentem.*  
**N**E doleat Sapiens, Stoica insipientia lingua  
Decernit, mentem dum dolor acer habet.  
Vt doleat sapiens, dicat Sapientia caelo  
Missa, & letitia hinc munera vera docet.  
Qui doluit benè, gaudebit benè. Summa bonorum,  
Gaudium ab ingenti grande dolore venit.

*amicitiæ causa scr.*

J. H. BOECLERUS.

---

**I**Am Te sæpe cohors vidit Studiosa Cathedram  
Scandere, sæpe Tibi vota GEROLDE dedit,  
Doctrinam mirata tuam, mirataque flores  
Quæis velut ingenii nunc Tibi vernat ager.  
Perge, DEUS flori dicat feliciter! olim  
Fructibus & largà Te quoque melle beet.

*M. Iacobus Philippus Esch, Arg. Vir-  
denheimensis & Quatsenheimensis  
Ecclesiarum Pastor.*

---

**V**Tlex accusat, terret, mortemq; minatur;  
Sic promissa DEI nostro dant gaudia cordi.  
Dum veniam gratis spondent vitamq; perennem  
Credienti: arg. ex his oritur metanxa salubri.

*Quam*



Quam cum describas clarè, sententia vera  
Vt pateat, doceas & quæ sit opinio falsa;  
Felix es, cordi si sic inscribis, Amice,  
Adspirante DEO, doctrinam de METANOEA,  
Consonet ut semper dictis tua vita. Secundet  
Capta DEVS, letos successus, atq; laboris  
Optatum fructum donet, fructumq; coronet.

M. Joh. Frideric. von der Straaß/Past.  
zu Ober- und Mittel-Hausbergen.

Sunt, quos delectat, multas percurrere gentes,  
Sunt, quos delectat sectari præmia Martis;  
Sunt, quos delectat, diffundi munere Bachi;  
Sunt, quos delectat, vernaes carpere flores.  
Te GEROLD, crebrò Musarum castra subire,  
Ut Cathedræ resonent, falsum dum dogma refutas;  
Est divinus amor, GEROLD, est sancta voluptas,  
Te sanctos, sacræ Sophiæ lustrasse recessus;  
Nec non Aonidum toties intrasse palæstram;  
Et Te divinis, vivisque rigarier undis;  
Indolis egregios flores Te prodere vere.  
Gratulor ergo vovens: Faxit DEUS Unus & idem  
Trinus, quò, ter jam, conscendens pulpita sancta,  
Præside sub tanto, sis terq; quaterque beatus!

M. Joh. Iacob. Schnitzler / Argent.  
p. r. Ecclesia Orthodoxa Osthusi  
Pastor.

Cum non sit major toto sapientia mundo  
Cognitione DEI, Cognitione Sui;  
Cum redeat tempus Christi memorabile fato,  
Quod nos peccatis indoluissè jubet:  
Hæc etiam Friderice Tibi Sapientia Curæ,  
Hæc, quæ proponis, tempora sacra volunt.  
Præside sub Magno rursus sacra pulpita scandis,  
Et vitæ fontis flere piacla doces:  
Dispice, ais, miseram Mortalis dispice vitam,  
Quam foedat scelerum perniciofa lucis.  
Tristia disce brevis cognoscere tempora vitæ,  
Et tanti causam ritè dolere mali.

Quælibet



Qualibet in toto te corpore fibra docebit  
 Quàm tua sit vetitâ perdita massa dape.  
 Sis gnarus, quæso, miseræ diffidere vitæ,  
 Quæ, quorsum spectes, undique plena malis.  
 Non licet admissum Mortalem abscondere crimen,  
 Omne malum *Domus* lumina iusta vident.  
 Non licet ulli hominum iustum vitare Tribunal,  
 Nam quo severtunt lumina, semper adest.  
 Non licet occultè velum prætere facis,  
 Sed temerata sibi mens sine teste timet.  
 Rumpere moras igitur, ne te demittat ad orcum  
 Iusta, reos pœnæ quæ facit, ira reos.  
 Sit Tibi Salvando primùm mens conscia culpæ;  
 Iræ sit sensus, tristis in ossè dolor,  
 Os patulum culpas sincero corde fatèri;  
 Ex odio culpæ vivere perge *DEO*.  
 Sic extende manum, promissam prende Salutem,  
 Quam spectat Christi vulnere nixa fides.  
 Hæc, inquam, tractas *Metanæ* sacra *Gerolde*.  
 Et *Studij* præbes publica signa *Tui*.  
 Iam dudum primas didicisti sedulus artes,  
 Quæ facilem sternunt ad graviora viam.  
 Hactenus ingenii solers intendere vires,  
 Doctus es è Cathedrâ verba diserta loqui.  
 Sacrarum pergis tractare negotia rerum,  
 Sacri perlustras mystica sacra libri.  
 Tu vehemente cales melioris ab Indolis æstu,  
 Artis Tu sanctæ maximo amore cales.  
 Una Tibi studiis animum coluisse voluptas.  
 Cœptis applaudo, Suavis *Amice*, *Tuis*:  
 Imploro *Numen* Sancto cœleste precatu,  
 Ut seras in mentem non nisi sancta tuam.

M. J. Th. Heinrici Argent.  
 p. t. Pastor in Mundolsheim und  
 Nieder-Hausbergen.

F I N I S.

00564732